

康德三年六月

日本行政視察記

莊河縣長劉鳴渙編

日本行政視察記

目次

緒言

報告事項

一 地方行政

二 地方財政

三 教育

四 警察

五 司法

六 實業

七 交通

八 社會事業

結論

日記

日本行政視察記

莊河縣長劉鳴渙

緒言

古訓有言有治人無治法又曰爲政在人蓋法者國家之根本政治之工具倫運用不得其人法雖善亦未有能收實效者我國肇建借助友邦凡百設施無不以日本爲模範其立法之善因時因地各得其宜固已昭然若揭矣地方官吏實握運用法治之樞紐不得其人無以闡立法之精神即得其人苟於立法之真詮不能探源竟委則運用之際扞格實多將何以宰治地方發揚王道耶此民政部所以屢遣地方官吏赴友邦日本作行政之視察也康德三年夏復有派員赴日視察之命時渙承乏莊河蒙

安東省長及各廳長之推薦得與斯選於四月十三日在

民政部集合計各縣縣長十八人各縣總務科長三人內務局長二人以地方司成事務官友善爲代表並輔導者五人(員名見附表一)與部派警政視察團十八人(員名見附表二)同時出發是日下午首途五月十五日歸國亘三十三日之久歷名都大邑十有五其間拜訪參謁視察游覽之個所計各機關二十五社會公共施設十一學校三商工團體五工廠五神宮寺社二十五風景名勝三十一都凡一百零五處(日程及個所見附表三)所到之地無不蒙地方機關熱烈迎送派員引導贈以繪葉書印刷品并設茶點或筵宴曲盡地主之誼其殷勤款待實足表現日滿不可分之真

誠即有謝絕參觀之處對於視察團亦特許參觀藉非兩國關係之深何能若此且各處歡迎之詞皆以兩國之親善首重民族之協和而地方官吏實居調劑之衝要其他促進政治提倡教育開發產業振興工商無一非地方官吏之責任希望實行兩國永久提携之真意以達保持東亞和平之目的交相勉勵情詞懇摯娓娓動人至其政治之公明教育之普及警察之周密司法之尊嚴產業之繁盛財政之富裕交通之便利衛生之講求社會事業之完善風俗人情之優美無不令人驚異歎服惜夫視察之期間甚促同行之人數復多偶疏聽聞便乖真相縱切體貌求神之念終貽顧此失彼之羞所幸印象既深會心不遠謹就視察所及詳紀於編庶借鏡之有資借他山以攻錯雖曰盲人瞎馬或免歧路亡羊惟遺漏實多錯誤尤甚尙冀先進君子教而正之實深企禱

附表一

地方官吏日本行政視察團員名表

代表者 民政部事務官 成友善 樸三

輔導者 民政部事務官 川口守一

民政部屬官 豐田實

林不器男

金朝元 質甫
王廷志 佐唐

省別	縣別	職	別一姓	名	次	章	備
吉林省	永吉縣	縣	長	柏	堅	如	璞
	扶餘縣	總務科	長	關	中	律	致和
龍江省	克東縣	縣	長	陳	承	定	恂叔
	泰康縣	同		隋	葆	光	袖峯
	富裕縣	同		張	亨	榮	德建
黑河省	奇克縣	同		周	鑄	新	鑄新
三江省	方正縣	同		景	陽	春	維三
	蘿北縣	同		成	友	直	諒臣
	依蘭縣	總務科	長	謝	峻	山	泰巖
濱江省	慶城縣	縣	長	陳	萬	鎧	驥甲
東興縣	同	同		王	世	修	子敬

攷

濱江省	興安省	熱河省		錦州省				奉天省		安東省	間島省		
青岡縣	通遼縣	建平縣	綏中縣	臺安縣	清源縣	西安縣	西豐縣	柳河縣	莊河縣	通化縣	延吉縣	綏稜縣	虎林縣
同	縣	總務科長	同	縣長	同	內務局長	同	同	同	縣長	內務局長	同	縣長
習齊輝	董雲卿	王國生	溫繼嶠	于長卿	那毓瑞	楊世英	黃式叙	陳玉銘	劉鳴漢	劉天成	何紹銘	王祝齡	金國楨
建	紹仲	子禎	執精	晋章	衍慶	雲客	黎雍	朗軒	舜弢	靜琢	品石	嶽申	輔忱
在東京加入													

附表二

警察官吏日本警政視察團員名表

代表者 首都警察總監 金榮桂

輔導者 奉天警務廳特務科長 神子勇

輔助員 首都警察廳警佐 立花虎雄

同 劉志格

奉天警務廳屬官 小笠原論文

省別	縣別	職別	姓名	備
瀋陽	警察廳	廳長	齊恩銘	
黑河	同	同	臧銳	
奉天省	遼陽縣	警務局長	毛景仁	
濱江省	海龍縣	同	王明鰲	
	東寧縣	同	王丕承	
	密山縣	同	鄭國榮	
	雙城縣	同	榮廷	

吉林省	樺甸縣	警務局長	孫殿玉
龍江省	雙陽縣	同	章忠毅
錦州省	彰武縣	同	江永恩
安東省	鳳城縣	同	陳景啓
	岫岩縣	同	楊壽才
熱河省	承德縣	同	岳茹山
三江省	樺川縣	同	馮秉元
哈爾濱	警察廳	南崗警察署長	王少軒
吉林	警察廳	北山警察署長	景有昌
			馬連登

附表三

視察日程及個所表

一	日次	地	旅	程	所	到	個	所	宿	泊	地
	月										
四月十三日	新	京	下午四時發	京連鐵道中	火車	一宿					

八	七	六	五	四	三	二
二十日	十九日	十八日	十七日	十六日	十五日	十四日
同	同	東京	神戶 東京	門司		大連
			上午八時着 上午九時十九分發 下午十一時三分着	上午八時着 下午一時發		上午八時着 上午十時汽船發
滿洲國駐日大使館 對滿事務局 東京警視廳 內務省	銀座通各大商店	二重橋遙拜 皇居 陸軍省 海軍省 明治神宮 靖國神社	由扶桑丸登陸改乘火車	滿洲國駐在名譽領事館 瀨戶內海航行中 風師山 和布刈神社 門市商工會議所	朝鮮海航行中 滿鐵滿鮮案内所 門司市役所	黃海航行中
同	同	同	東京丸 之內大 旅社	同	同	扶桑丸
			九宿			三宿

十四	十三	十二	十一	十	九
二十六日	二十五日	二十四日	二十三日	二十二日	二十一日
東京 名古屋	同	同	同	同	東京
上午十時三十分發 下午五時十分着					
熱田神社	因雨休息	海軍飛行機場 高雄軍艦 海軍工廠 三笠紀念戰艦	橫須賀海軍鎮守府 日光山 華嚴瀧 中禪寺 東照宮	市立大塚市民館 東京憲兵司令部 市設多磨墓地 深山水源地	市立築地病院 東京府廳 東京市役所 市立青果卸賣場 市立中央卸賣場 市立深川塵芥處理工場 清澄庭園 震災紀念堂 淺草公園
名古屋 丸仙旅館	同	同	同	同	同
二宿					

十九	十八	十七	十六	十五
五月一日	三十日	二十九日	二十八日	二十七日
京都	奈良 京都	蒲津 山田 奈良	名古屋 蒲津	名古屋
	下午三時四十分發 下午四時五一分着	上午六時三十分發 上午十時三十分着 下午三時五十分發 下午六時三十分着	上午九時三十分發 下午六時着	
石山寺 大講堂 比叡山 三井寺 琵琶湖	春日神社 東大寺 奧山 帝室博物館 市公會堂 良奈商工館	豐受大神宮 皇大神宮 二見浦	愛知縣立農事試驗場 西尾尋常小學校 西尾町役場 西尾蠶絲學校 更生病院 東洋紡績株式會社愛知工廠	商工會議所 愛知縣廳 市役所 第三師團司令部 名古屋城 陶器製造所
同	京都 金岩樓 別館	奈良 佐魚 旅館	蒲津 常盤館	同
	三宿	一宿	一宿	

二十六	二十五	二十四	二十三	二十二	二十一	二十
八日	七日	六日	五日	四日	三日	二日
別府	嚴島 廣島	大宮 嚴島	同	大阪	京都 大阪	京都
上午八時着	上午十一時汽船發 下午一時二十分着 晚九時三分汽船發	上午八時十分發 下午二時三十分着 汽船二時四十五分着			下午四時 ○五 四一分 着發	
	廣島中學校 廣島縣廳 廣島產業獎勵館	嚴島神社 繪島	大阪取引所 大阪刑務所 大阪控訴院	造幣局 大阪朝日新聞社 大阪古城	伏見桃山陵 清水寺 市公會堂 御所 西本願寺	乃木神社 平安神宮 銀閣寺 二條離宮
別府 子旅館	廈門丸	嚴島 岩惣 旅館	同	同	新大阪 旅大 社阪	同
三宿	一宿	一宿			三宿	

三十一	三十	二十九	二十八	二十七
十三日	十二日	十一日	十日	九日
博多 枝光 八幡 下關	博多	別府 博多	別府	同
上午九時十七分發 上午十時三十分着 下午四時三十分發 下午五時四十分着 下午六時十分汽船發		上午十二時五十分發 下午六時三十分着		
八幡製鐵所	博多新築港灣 西公園 光雲神社 宮崎八幡宮 東公園 日本足袋株式會社福岡工場 福岡縣廳 福岡築港紀念大博覽會		高野山 雲泉寺 展望溫泉寺 海岸天然砂湯	血地獄 坊主地獄 海地獄 八幡地獄 十萬地獄 鶴見地獄
昌慶丸	同	博多 松島 旅館	同	同
一宿		二宿		

三十二	十四日	釜山	上午七時着 八時五五分發	泉釜車中	車中	一宿
三十三	十五日	新 京	下午七時四五分着	安奉 京奉車中	新 京 福順棧	二宿
三十四	十六日	同		民政部	同	

報告事項

查上次視察團事先擬定項目指派專員分任蒐集材料交由主任彙總編纂此次並未分派任務即由各員酌量具報茲將報告分爲地方行政、地方財政、教育、警察、司法、實業、交通、社會事業、八項皆係視察所及就當時主管者之說明及印刷品之資料與諮詢所得之實況逐項詳記各附個人感想藉供採擇惟管蠡之見難測高深尙希 教之

一 地方行政

日本地方制度於大正十二年四月定爲府縣及市町村二級制分官治與民治官治方面有一道三府四十三縣一道爲北海道以道長官爲該道全部行政權之代表三府則以設於東京京都大阪之大都市者稱爲府其餘皆爲縣名稱雖殊階級平等不相隸屬也府設府知事縣設縣知事爲各該府縣全部行政權之代表皆直接受內務大臣之指揮監督以行使其行政之職權或因特別委任之事項亦得發道府縣令府縣官廳內部之組織除知事官房外分總務、學務、警務、三

部（但東京府不設警務部其警察權屬於警視廳）於必要時得酌量增設土木、產業、衛生、各部之下分爲若干課各行使其職務又有府縣會凡府縣內之市町村公民均有會議員選舉權與被選舉權至會議員額則以人口多寡定之由議員中選舉議長及副議長各一名爲合議制之機關凡府縣之預算決算必須經其議決與承認並依法令之規定議決其權限以內之事項對於公益事件亦得提出意見書復有府縣參事會以知事爲議長設參事會員若干人亦合議制且有監督機關之性質並得由會員中選舉委員檢查府縣出納事項有時得代表市會及市參事會議決屬於市會或市參事會權限內之事項如遇市町村會有違法議決及選舉或不當之議決時依市町村長之申請或町村長及町村會之訴願有一定之裁決權民治方面則於道府縣之下設有若干之市町村市設市役所町村設町村役場以市町村長爲自治團體之代表其自治權較府縣知事爲大市長爲有給職町村長爲名譽職但亦有市長爲名譽職町村長爲有給職皆由市町村會選舉之於處理市町村事務外依特別委托對於國家之行政亦得於區域內辦理之內部組織因地而異其重要職員市町村助役市參與市町村收入役副收入役東京市役所分九局二部五課大阪市役所分九部二課町村役場大部分九課或七課而東京都大阪名古屋橫濱五市且設有區長掌區內市之職務及區之事務各市町村皆有市町村會爲議決機關凡市町村之公民皆有選舉權被選舉權其議決事項得有監督官廳之同意對於市町村即能發生效力惟市町

村長有請求再議之權市則更有市參事會爲副議決機關以市長爲議長由市會議員中選出名譽參事會員若干人組織之屬於市會權限內之事項有時亦得代之惟其議決有違法或有害公益時得令其再議倘仍有違法或有害公益得請求府縣參事會裁決之其制度之完善能使官民一致故其行政之效能與自治之強力均得相輔而行免除扞格之弊

感想

日本地方制度之完善在乎人民自治之力強有道府縣以行其督飭之責有市町村以盡其施行之任而又有道府縣市町村等會以監察之使主其事者不得逞其剝奪之權威施其把持之手段并不得敷衍塞責以弛懈其職守有官民團結之精神無上下相蒙之積習故能收圓滿之效我國地方制度近多取法日本逐漸改進惟以人民之智識懸殊遂致真正之民意無由發展誠能教育普及使一般人民具有政治常識一般官吏咸能勤求民隱政治納於軌道不難日臻完善矣

二 地方財政

日本地方財政大別爲府縣稅、市町村稅、府縣稅分地租附加稅、特別地稅、營業收益稅附加稅、所得稅附加稅、鑛業稅附加稅、取引所營業稅附加稅、家屋稅、營業稅、雜種稅、都市計畫特別稅、財產收入、使用料、手數料、雜收入、等項如稅收不敷支出復有國庫下渡金、國庫補助金、國庫交附金、並得發行府縣公債府縣稅之征收由府縣自行辦

理有時爲納稅人之便利起見得委託其下級之市町村徵收彙解市町村稅爲附加稅、特別稅、二種附加稅分地稅附加稅、營業收益稅附加稅、所得稅附加稅、特別地稅附加稅、營業稅附加稅、雜種稅附加稅、家屋稅附加稅、此以國稅及府縣稅爲課稅標準其徵收各有一定之限制特別稅爲戶數割一種此不以國稅爲標準而照地方之特別課稅爲標準雖有一定之限制然遇特別必要時得呈請內務大藏兩大臣之許可而超過之各就其區域內自行徵收而以自給自足爲原則皆有預算以作支出之限制且其預算須經府縣會市町村會議決方能施行維新以後國家進步之神速與人民負擔之增加至足驚人就廣島縣廳言之明治十二年全年預算僅三十六萬一千餘元明治二十七年爲十三萬三千餘元大正十四年則增至九百零九萬六千餘元至昭和十一年已達一千三百七十七萬五千餘元較明治十二年增至三十八倍有奇內中佔重要者教育費三百零五萬五千餘元警察費一百八十一萬六千餘元土木費三百七十五萬四千餘元勸業費一百六十八萬三千餘元衛生費三十二萬六千餘元社會事業費十五萬七千餘元東京府廳全年預算七千萬元又警察費二千三百四十九萬元東京市役所全年預算三億餘萬元內中教育費佔全額之四成五以上愛知縣廳全年預算二千六百萬元內中道路河川土木建設費五百五十萬元教育費四百萬元警察費三百萬元勸業費三百五十萬元即西尾町役場全年預算亦達四十三萬餘元內中教育費七萬二千餘元再查廣島人民之負擔國稅每人

平均三元一角七分縣稅每人平均四元零八分市町村稅每人平均五元二角二分三項每人平均負擔十二元四角七分滯納之數極少觀其昭和八年之縣稅調定額爲六百七十三萬三千餘元已收六百六十萬零七千餘元缺損二千七百餘元滯納者十五萬三千餘元昭和九年之縣稅調定額七百四十萬零五千餘元已收七百三十一萬六千餘元缺損八千八百餘元滯納者僅八萬九千餘元蓋人民深知納稅爲應盡之義務咸能踴躍輸將官廳徵收稅捐除一部分用作發展外其餘全用於爲人民謀幸福之事業人民皆能享受其利益故負擔雖重不以爲累也

感想

有土此有財財政之來源無不出於土地我國地大物博而地方財政無不感覺枯竭者蓋由農村瀕於破產資源不知開發棄利於地有以致之所謂百姓不足君孰與足豈虛語哉現經仿效日本確定稅法誠能於治安確保之後恢復農村開發產業并將教育勸業經費量予增加捐稅不繁不苛人民既庶既富實施社會事業公開會計檢查則人民咸樂輸將斯財政不憂匱乏矣

三 教育

日本教育之普及爲他國所未有學齡兒童中就學者恒在百分之九十七八以上其因瘋癩白癡殘廢不能就學者由市町村長呈請府縣知事許可免除若因病弱或發育不全則予以猶豫年限如身家赤貧爲人僱傭者僱主不得妨害其就學且有准許免收學費之規定東京市之市立小學

校共有五百五十處尋常夜學校七十三處中學及高女、商業、工業、農業、職業、等校十八處青年學校一百八十一處若就全市各種學校計之共一千六百餘處學生約一百萬人內有中小學兒童七十萬人京都設有大學七處專門十五處高等一處師範三處實業十處中學十五處女學十七處啞學、盲學、各一處實業補習及實務女學四十一處小學一百三十五處幼稚園五十處總共二百九十五處學生兒童十六萬九千四百餘人廣島縣設有高文理科、高師、高工、高等、各一處女專、師範、各一處中學二十一處高女四十九處實業三十處實業教育養成所一處實業補習所五百二十八處小學六百八十一處盲學、聾學、各一處各種學校七十二處幼稚園六十處共計一千四百五十二處學生總共三十八萬八千九百餘人福岡縣設有九州帝大、高等文理科、西南學院高等學部、高等商業、齒科醫專、各一處中學五處工業、農業、各一處商業二處高女五處男女師範各一處各種女校十二處盲學、聾學、各一處簿記學二處專門學校四處又有青年學校二十八處學生三千七百餘人小學二十八處學生四萬餘人西尾町設有縣立中學一處學生四百七十餘人高女學一處學生四百二十餘人蠶絲學校一處學生三百一十餘人小學三處學生二千五百餘人青年學校一處學生三百八十餘人幼稚園三處學生三百五十餘人其施教方針皆遵守明治天皇教育勅語及每次所頒詔勅旨趣切實施行無不以涵養道德陶冶品性進展智能鍛鍊身體研究職業講求實務爲主旨且有兵

事訓練以提倡尙武精神同人於參觀廣島中學西尾町青年學校時校長特令學生演習其步武整齊氣概強壯極堪欽佩至於各處教育經費無不佔全預算額四成以上或五成以上國家之注重教育如此宜夫全國人民皆受高尚之訓練具優美之德性以共造成文明之國家也

感想

我國軍閥時代打破禮教倡言自由士氣囂張士風敗壞教育如此人心可知新國肇建力矯前非教育方針效法日本崇尙固有之舊道德灌輸近代之新智能以陶冶童稚之心性爲前提以培養高尚之學識爲要義人知禮讓世進文明國民之程度既高國家之治理斯易所謂人人親其親長其長而天下平者聖人豈欺我哉

四 警察

日本地方警察以府縣或廳爲監督機關警察部爲專任機關警察署爲實行機關警察練習所爲教育機關東京以特別情勢警察權不屬於東京府而特設警視廳直接統轄之其餘府縣知事及北海道長官皆承內務大臣之指揮監督得令所屬之警察部辦理本管區域內之警察事務設警察署長以警視或警部充之又因地方狀況於警察署所在地之外設警部補派出所以期便利警察署之外勤巡查擔任區以二或四爲一組合區設巡查派出所其不能設巡查派出所者則設巡查駐在所必要時並得設巡查出張所如爲監督執務起見又可配設巡部長派出所警察官吏分

警視、警部、警部補、巡查、四種階級其職務之分配有交通警察、消防警察、戶籍警察、司法警察、保安警察、東京警視廳共設警察署八十二（內市部七十二郡部六島嶼四）警部補派出所三巡查部長派出所二十四巡查派出所八百二十巡查駐在所四百六十七又有警備出張所二十九請願派出所九十六消防部設消防署三十九出張所六十二機關員派出所十一廳內職員自總監以下共一萬四千餘人警察官吏自警察部長以下六萬二千餘人消防部長以下二千餘人全年預算經費二千三百四十九萬八千餘元廣島縣設警察署三十六水上警察署二警部補派出所三十二巡查派出所六十九巡查出張所四百十五警察官吏部長以下共一千四百餘人全年預算經費一百八十餘萬元各府縣或廳警察之定額雖各警署之巡查人數或有參差要不外市內人口由三百乃至八百設一人市外人口由八百乃至二千設一人至警察之教育除中央設有警察講習所外各府縣或廳均各設警察練習所東京警視廳并設消防練習所皆教以服務時必要之學術勤務武道以及道德修養三個月畢業各警察署又設巡查教育以教授畢業後新到署之巡查即服務已滿六個月之巡查亦須聽受實習演講一個月故其系統分明指揮便利人人皆能各盡其天職以發展其機能此日本警察所以爲世界首屈一指也

感想

欲謀庶政之修明先求警務之完善蓋警察者實政治之基礎也基礎不固則凡百設施皆無所附

麗矣我國地方初定而人心之思想龐雜匪賊之隱患未清警察之機構稍具軍隊性質將來治安確保逐漸改造取法日本採用國家主義使之系統完整素質增高防禍患於未萌收公安之實效則納斯民於正軌卜國祚之昌隆庶不負友邦扶持之善意矣

五 司法

日本法院分四級三審其裁判所構成法爲區裁判所、地方裁判所、控訴院、大審院、區裁判所爲最下級管理輕微民事刑事案件地方裁判所在區裁判所之上管理不服區裁判所判決而控告之第二審案及不屬於控訴院大審院所轄之第一審民刑事案控訴院管理不服地方裁判所第一二審裁判而控告及上告之案件與特定之第一審案件大審院則爲最高之裁判機關除管理第三審上告案件外並管理特別案件司法爲獨立機關不特行政不能干涉司法即司法行政亦不得干涉審判全國設控訴院七地方裁判所五十一支所八十六區裁判所二百八十二控訴院及所轄之地方裁判所區裁判所均各附設一檢事局均在同一廳舍辦公會計亦共設一部合併辦理所辦之案民事方面爲調停制如金錢債務借貸等事判事與調停委員同辦理刑事方面爲陪審制判事與檢事外并須參加陪審員之公正意見又有律師對於民事可爲代理人刑事可爲辯護人其限制獨行判斷與保護人民之權利極爲周密法官之任用須經二次考試第一次學識考試及格者在裁判所學習一年再行第二次學識與經驗之合併考試兩試均優始能

取得法官之資格且待遇優隆保障備至重法官即所以重人民也至日本之獄政悉採歐美新制而深得其精神其綜理監獄事務之機關曰刑務所被收容受刑人之地點依刑期年齡性格男女而分別之刑務之觀念純取感化主義對於受刑者不必令其受若何痛苦不過於身體自由及衣食住加以限制而於保持健康涵養德性在在注意且施行職業上之訓練使之復爲社會上之良民並於出獄後加種種之保護誠法良而意美也大阪控訴院與地方裁判所區裁判所共設判事五十四人檢事十四人書記一百五十人檢事局書記二十五人連同僱傭各員并其他人役共六百八十餘人全年審理民事案件六千餘件刑事案件一千餘件大阪市有律師七百餘人頗能根據法律以極公平之心理保護人民之生命權利大阪刑務所收容刑期不滿十年者年齡二十歲以上六十歲以下者勞役留置者女犯皆不收所內區域之布置以中央區爲事務室、戒護室、炊事場、洗濯場、精搗場、其餘四區設獨居舍、雜居舍、事務所、醫務所、獨立病室、教誨堂、演武場、及各種工場佔地十萬九千四百餘坪收容定額三千五百餘人支所四北區支所 田邊支所、堺支所、收容刑事被告人及被疑者和歌山支所收容刑事被告人及被疑者與刑期不滿三年者本所及各支所職員自典獄以下五百餘人對於受刑者視罪犯之性質與判刑之種類分置於獨居舍雜居舍施以規律之教化矯正其不良之性格并使之練習社會生活上必要之工業以備出獄後能單獨立謀生其工作有木工、鐵工、冶工、竹工、麻工、塗

工、印刷工、彫刻工、指物工、機織工、金物工、鑄物工、革細工、角細工、刷毛工、草履工、莫大小工、耕耘、畜牧、裁縫、二十餘種並探累進待遇制度由下級而漸進於上級以緩和其待遇又就其工作之成績酌量給以一月最高十元最低二十錢之賞與金以作釋放後生活資料於釋放時以現金交付之一般受刑者工作極爲努力成績頗佳昭和十年作業收入九十餘萬元每日工作之暇施以精神訓練每月於兩個日曜日召集全體授以普通學校之相當教育並選適當之修養規勸書籍貸與瀏覽住室及工作場所粘貼種種美德標語使之觸目警心以改善其素質復慮其出獄後受社會之排斥嫌忌或致激成再犯累犯則設保護會直接間接確實保護且爲介紹職業使得生存於社會其保護團體共有二十二處爲密切之聯絡以期保護之澈底誠不愧法制國家之榮譽矣

感想

法制國家之法律重在擁護正義以維司法之尊嚴主持公平以得社會之信仰我滿洲以王道立國體古帝王刑期無刑之意以德化不以刑求故法律悉取法日本豈乎尙矣現在治外法權承友邦之善意逐步撤廢將來法律之推進與夫慎選法官之資格改良監獄之制度均宜銳意研求免貽友邦之遺憾而期完成獨立之國家司法當局早已熟籌必有以副人民之嚮望也

六 實業

日本實業之發達凌駕歐美其致富強之道實基於此政府對於實業督促倡導補助獎勵無不極力爲之所以百業振興經濟充實民生國計咸趨於光明之途如東京全年生產額達十五億元其中工業品十三億元農產林產水產一億六千萬元愛知縣全年生產額十一億元其中毛棉織物五億元絲織物二億元陶器五千萬元紡織鐘表等機械八千元農產一億元林產水產共一億元廣島縣全年生產額二億八千四百九十萬元其中農產七千零一十七萬餘元畜產八百四十八萬餘元蠶產三百四十八萬餘元林產五百九十二萬餘元水產八百二十九萬餘元鑛產一百零八萬餘元工產一億八千七百四十五萬餘元福岡縣全年農產一百八十九萬餘元水產一百五十五萬餘元工產二千九百餘萬元西尾町近三年間生產平均數農產九十七萬餘元畜產十七萬餘元工產四百六十八萬餘元林產水產鑛產一萬餘元各大工廠中如東洋紡織株式會社資本七千六百萬元共有工廠四十處男女工六萬餘人年產綿絲五十五萬餘元棉布四億碼絹絲二十六萬餘貫用原料棉四千餘貫成立以來獲利超過三億元陶器製造所每年生產額達三百七十餘萬元足袋株式會社資本一千萬元共有工場四處男女工一萬三千餘人每年產地下足袋(即襪子)四千萬雙皮鞋皮靴膠皮鞋靴四千五百萬雙八幡製鐵所資本三億四千萬元共有大小工場一百三十餘處職員工匠四萬五千餘人每年鎔鐵量一百四十五萬噸鍊鋼量五百二十萬噸製成品輸出口者六百五十萬噸用煤四百萬噸即東京市立中央卸賣場供給全市人民

生鮮食品每年銷額約一百萬餘噸售價約一億六千五百萬餘元大阪一市共有大小工廠二萬八千餘處工人十八萬餘名工業品輸出口者佔全製品百分之八十一門司昭和十年輸入價格六千二百七十五萬餘元輸出品價格八千九百三十六萬餘元大阪輸入品價格四億四千一百六十九萬餘元主要者爲實綿、纜棉、鐵、羊毛、鉛、錫、亞鉛板、木材、等輸出品價格四億一千三百五十三萬餘元其大宗爲綿織物、人造絹織物、鐵製品、綿織絲、等京都輸出品價格四百三十一萬餘元輸出品價格二千二百三十三萬餘元廣島縣輸出品價格二十一億七千一百九十二萬五千餘元輸入品價格二十二億八千二百五十三萬一千餘元全國農會計帝國農會一處道府縣農會四十七處郡農會五百六十處市農會九十二處町村農會一萬一千三百七十一處商工會議所共二百餘處其餘關係實業之教育研究補助獎勵等施設無不極其完備此實業所以振興經濟亦因之圓活也

感想

國家以經濟爲命脈而經濟則以實業爲本源我國以農立國惜夫故步自封農業反形退化農村亦瀕破產商工各業又皆智識幼稚不知推廣銷路研究技能遇有出品每爲個人財力所限或被經紀剝奪不能獲得利益遂亦不能感覺何種興趣故產業無發展之希望而經濟亦失其調和今者新國肇造銳意維新與友邦經濟提攜以立財政之基礎誠能力求農作之改善工業之精進商

場之擴張并於生計教育極意設施生產技術努力指導更勸誘人民成立各種組合調劑金融又從而補助之獎勵之使能自力更生以圖產業之展進不惟物質上收莫大之效能即經濟上亦呈無量之活躍則家給人足王道樂土自可實現矣

七 交通

日本交通事業之偉大實足令人驚佩鐵道、公路、海運、無不便利內地國有鐵路共長四千三百九十八哩有奇本州一部中有東海、北陵、中央、山陽、山陰、關西、東北、盤越、奧羽、陸羽、羽越、信越、總武、等十三幹線并各幹線之支線五十二九州一部中有鹿兒島、長崎、日豐、筑豐、等四幹線并各幹線之支線二十二四國一部中有讚豫、德島、高知、等三幹線北海道一部中有函館、室蘭、根室、宗各、名寄、網走、等六幹線并函館幹線之支線七各線中以本州爲最發達北海道爲最次幹線支線與電車及公路多能互相聯絡即沿海航運亦可聯絡運輸公路有國道乃國家所經營爲府縣市間交通上聯絡之幹線道寬七米五以三合土或混凝土築成建築費由國庫支付之府縣道乃府縣所經營爲府縣市町村間主要道路并與國道相聯絡道寬五米五多以混凝土或碎石築成建築費由府縣之收入支付之並受國庫之半數補助金地方費道亦府縣道之一種建築費完全由府縣收入支付之市道乃市所經營爲市內與市外交通之道路與國道府縣道相聯絡建築費由市收入支付之並受國庫之補

助金町村道乃町村所經營爲各町村間交通之道路并與國道府縣市道相聯絡道路較府縣道稍狹多以砂土或碎石築成建築費由町村籌付但亦受國庫或府縣之補助金各道皆能通行汽車往來無阻毫無城市與鄉村隔斷之困難其縱橫交錯儼如蛛網焉海運則不僅國內沿海均可暢行即國外海運亦逐漸推廣汽船由五百噸以下乃至一萬噸以上不下四萬隻海運會社之較大者爲日本郵船、大阪商船、東洋汽船、日清汽船、南洋郵船、北日本汽船、六會社資本雄厚營業發達帆船大者不下二萬隻小者不可勝數現又於昭和四年起工修築舞鶴港以十年內完成將來滿蒙物產之運輸較由大連釜山直達神阪途程可近三分之一以上則利用此港尤覺便利東京市內有河川一百七十三處能通航者八十三處橋梁四千五百餘座乘客及載貨汽車約三萬輛電車有高架鐵軌、地上鐵軌、地下鐵軌、三種市營電車軌道延長三百四十七軒餘電車一千三百餘輛市營乘合自動車路線延長一百五十八軒餘乘合自動車九百餘輛昭和十年乘客總數每日平均三百四十六萬餘人內中國有鐵道市內線佔二成七市營電車佔二成三私營電車佔一成六乘合自動車佔一成八汽車佔一成四地下鐵道佔二分大東京港於昭和七年實施隅田川口改良工事昭和十年三月第一期工事完成在昭和九年入港船舶三千餘隻總噸數約七百二十六萬餘噸將來一個年內可達八百萬餘噸以上同時可停泊六千餘噸以上之汽船八十隻京都市營電車四百二十餘輛市營汽車一百三十餘輛大阪市橋梁一千

二百餘座市街電車七百六十餘輛市營乘合自動車六百一十餘輛私營乘合自動車六百五十餘輛汽車六千七百四十餘輛高速鐵道車十輛名古屋橋梁四百七十餘座乘客汽車一千零三十餘輛載貨汽車三百五十餘輛別府橋梁二十餘座汽車一百八十餘輛門司橋梁九十餘座乘客汽車一千零三十餘輛載貨汽車三百五十餘輛昭和九年入港汽船約八千餘隻門司與下關交通有聯絡汽船每三十分鐘往復一次近更建築海底鐵道使火車直接通行五個年內可以完成其他牛車、馬車、人力車、手挽車、更不可勝計而人力自轉車城市町村中幾於每戶均有一二輛至於游名山覽勝景則又有登山電車空中電車此外航空旅行郵電通訊凡關於交通事業者無不極端講求應有儘有其裨益於國家政治軍事實業者豈淺鮮哉

感想

世界之於交通猶人身之於血脈血脈停滯則百病叢生交通亦猶是也大凡交通不便之處人民之開化必較遲緩產業之發達必較困難甚至賊匪盤踞消息不靈交通之關係不綦重乎我政府對於交通極力整理不五年間鐵道、國道、縣道、鄉道、以及航空、海運、郵傳、電信、無不次第設施逐漸推廣惟以幅員遼闊未能悉臻完備此後努力邁進并於每年建設修繕維持等費量予增加則交通網之完成縱不能媲美友邦亦可暢行無阻矣

八 社會事業

日本社會事業凡爲人民謀福利者無不銳意經營東京市立市民館以鄰保制度兼方面制度於本館外設分館二十一方面事務所九十六共爲一百一十七方面設委員一千九百餘人由市長選任永居於設置區域內熟悉一切情況誠實忠正熱心公益者充之任期一年如卓著成績亦得連任其區域按警察轄區及地理之狀況而設置之有事開會均集合於本館討論應行及進行事宜全年經常費二百三十一萬五千九百餘元其事業概目(一)社會調查(二)相談指導(三)周旋介紹(四)戶籍整理(五)保健救療(六)保護救濟(七)救護法(八)金品給與(九)資金貸付(十)育兒獎學(十一)經濟福利(十二)教育教化(十三)其他(十四)會館借用總括之可分爲救貧防貧兩大端救貧事業爲六十五歲以上之衰老十三歲以下之幼少無所依歸者傷痍殘廢疾病窮困災害不能生活者以及幼兒之乳哺妊婦之調護行旅之救助喪葬之舉辦等事防貧事業如失職登記、職業介紹、貸付生業資金、簡易授產授職、食糧廉價、助產組合、等事此外教化教育亦皆積極行之館內設相談部、福利部、授職及實務部、情操部、保健體育部、貸付部、保育部、辦理事務均有成績又有住宅二千二百戶有料無料宿泊所十四公設食堂十六公益質屋二十公共浴場三養育院一產院三乳兒院二乳幼兒保育部十九幼少年保護所一職業介紹所四十六授產場六病院六隔離所二消毒所六結核療養所一健康相談所八無不辦理周詳有條不紊且皆實事求是并非徒尙鋪張又如社會公共衛生則有深山水源地供給市內自來水設貯水池二處一爲深

山池能容水七千萬石一爲山口池能容水一億石均高出海面一百零四米利用天然地勢由羽村用地下洋灰管引水入池再經濾過而入淨水池能供全市人口兩月之用並時加化驗如稍有不潔即投以消毒藥劑以重衛生復有深川塵芥處理工場每日派遣人夫二千餘名自動車三十輛手車八百輛分向市內住戶無料蒐集排出之塵芥平均約六十五萬貫運至場內傾入鍋鑪焚化每日約焚十五萬貫所焚灰燼篩過後細者作肥料粗者運往海中拋棄現更研究以科學方法利用鍋鑪之熱度作發電之用每焚塵芥二十萬貫可發二百啓羅之電力其籌謀悉當令人歎服東京爲日本國都施設特爲完備其他都市雖視察未及然亦應有盡有惟規模之大小不同耳

感想

滿洲立國王道是崇發政施仁必先無告是以建國伊始即注重社會事業之設施歷年以來救恤之事不勝枚舉我政府既提倡於上有力者應贊助於下斟酌地方財力之狀況取法友邦建設之精神處之以實心行之以毅力使貧民之生計得以昭蘇社會之亂萌得以遏止斯不負國家之仁德且發揚王道之真詮矣語云衣食足而後禮義興有地方之責者其可忽諸

上列報告事項或有未獲詳盡且有未經列入者如橫須賀軍艦、高雄軍艦、東京築地病院、多磨墓地、碧海郡更生病院、愛知縣農事試驗場、大阪造幣局、朝日新聞社、福岡博覽會、以及神宮寺社、風景名勝、等均於日記中詳述之以報告爲總綱以日記爲細目互相參

証當得其梗概矣

結論

總之國家所恃以統制人民者政與教耳政所以維持治體教所以感化人心教本不立則政治亦將失其效能孔子曰道之以政齊之以刑民免而無恥道之以德齊之禮有恥且格是化民成俗治國平天下者必以教爲根本之圖

日本帝國之政治爲世界所推重誠非虛譽其政治之真精神實能以舊道德維持新文化使一般國民皆受良好之教育養成堅毅之特性故其國民愛國心之熱進取心之猛團結力之堅自信力之強實非他國所能及而對於政府事事信仰處處服從舉國一致始終不渝雖販夫走卒在工作時間縱無監督之人亦皇皇然惟恐有虧厥職者所謂誠於中必形於外非強制力所能使然也政府亦因其國民之馴篤故能上下團結行使統制權不感任何困難非教育之良好能使國民之程度皆如是乎考其縣市歲出之預算無不以教育費佔多數警察費佔少數尤足爲以教爲本之明証我國歲出預算則反是足見國民之弱點實由教育未能普及雖道以政齊以刑終不免難收速效也再查日本人民納稅之義務每年每人平均多在十二元以上每戶平均多在五十元以上而輸將踴躍未有因滯納而受處罰者蓋政府爲人民謀福利無微不至如青年之訓練職業之介紹老幼殘廢之養育疾病災害之救濟開發產業之補助及獎勵共同事業之組合及統制無非取之

於民用之於民人民得享利益雖負擔稍重亦所樂輸耳我國肇建一切規模得友邦之指導援助固已日臻美備其應取法於友邦先進國家者誠非一端惟根本大計似宜先謀教育普及並施行強迫教育以圖改造國民之根性變化國民之氣質進而謀振興農業厲行造林勸種茶桑創辦組合整理交通開發資源注重社會事業提倡婦女職業則十年教練十年生聚國民之程度既高政府之統制自易行見郅治之隆不難追踪日本矣是否有當乞 垂察焉

視察日記

四月十三日 星期一 晴

上午八時行政視察團同人齊集民政部計各縣縣長十八人各縣總務科長三人內務局長四人由部派地方司事務官成友善爲代表並輔導者五人領導同行又因部派警政視察團警察總監一人警察廳長二人警務局長十三人警察署長二人輔導者四人同時出發以金總監榮桂官階較崇遂以金總監爲團長成事務官副之十一時恭聆呂大臣訓示畢偕至關東軍司令部國務院外交部告別十二時回旅館以滿服不便特至商店購西服歸檢點行囊力求簡便至下午三時兩團同人共五十三人(員名表見前)在新京驛集合將上車地方司黃司長富俊率各科長科員均來歡送深爲感謝四時開車齊呼萬歲遂別新京而作萬里壯游矣夜十時三十分過奉天驛

四月十四日 星期二 早雨旋晴

上午八時抵

大連甫下車入站大雨旋止乘汽車逕赴船埠食堂早餐畢登扶桑丸汽船十時啓碇放洋東渡船離岸時船中各男女乘客皆在甲板上與埠頭送者告別咸以五色捲紙各執一端繼續舒展船愈離愈遠紙亦愈引愈長及風吹紙斷猶手揚白巾直至相望不見而止不但別有風趣且足表示依依惜別之意旋經船員告知各將時計撥快一小時蓋我國以東經一百二十度爲標準時間日本則以東經一百三十五度爲標準時間故較日本遲一旬鐘也十二時午餐下午二時船中稅關人員查驗行李惟對於視察團表示優待除紙烟每人以一百枚爲限加蓋戳記外箱篋中物由本人開單送閱並未翻視渙素性暈船登舟後以爲航行大海必不免暈船之苦頗有戒心乃風平浪靜與在長江輪中無異至夜波浪稍大亦得安然入夢毫無所苦

四月十五日 星期三 晴

上午九時過朝鮮海峽風浪不興心神愉快午餐後由船員導觀扶桑丸全部此船爲大阪商船株式會社所營船身長一百四十四米寬十八米高十一米總容量八千一百九十八噸有奇重量九千九百噸排水量一萬五千噸速度每小時能行十海里船中郵便無線電娛樂室圖書室診療室販賣店理髮店浴室俱備而清潔周到使人忘旅行之苦散步甲板間遙望水天相接一碧無涯二三島嶼時隱時現雖舟行平穩猶惴惴焉以爲夜入玄海或不免於顛播乃至夜亦能如昨宵之夢

魂安適眞意想所不到也

四月十六日 星期四 晴

朝曦甫上登最上層水色山光儼如圖畫八時抵

門司在此停泊五小時兩團同人相率登陸至

滿鐵滿鮮案內所拜訪並參觀滿蒙物產陳列室由門司市役所派庶務課長前來引至

市役所設茶點招待門司位於九洲之北屬福岡縣扼瀨戶內海之咽喉與下關相對峙距離約三
里以前不過楠原與門司兩小村耳因形勢險要水陸交通遂成日本南部之繁盛商埠明治四十
三年開港迄今二十餘年建築費約費一千四百萬元水深可停一萬三千噸船舶外國貿易昭和
十年輸出價格六千二百七十五萬四千一百六十一元輸入價格八千九百三十六萬三千三百
五十元人口十二萬三千餘名水上警察一百六十名行政警察一百五十名歸福岡縣警察部管
轄中小學校十五處學生三千五百餘人商店三千餘家有製糖製麥酒製洋灰各工廠市役所全
年支出二百五十萬元經常收入一百八十萬元特別收入六十萬元國庫補助十萬元旋辭出乘
汽車赴

風師山游覽盤旋而上直至山巔山臨海岸高三百米水深三十尺振衣層巒全市在望仍乘原車
下山市內街道頗覺狹窄至

和布刈神社參拜社在港之北端建於山坳處爲一千七百年前仲哀天皇九年創立祀比賣大神、日子穗穗出見命、(神武天皇祖父)鵜草葺不合命、(神武天皇父)豐玉比賣命、安曇磯良神、前面臨早軀海峽距下關較近現於此處開濬海底隧道鋪設鐵軌火車直達下關以免船渡之煩計須五年竣工其規模之大令人驚歎繼至

門司商工會議所及

滿洲國駐門司名譽領館拜訪蒙招待周至談笑甚歡十一時三十分回扶桑丸下午一時啓碇入瀨戶內海波平如鏡令人心曠神怡不畏波濤之苦且忘身在海中矣

四月十七日 星期五 晴

上午八時抵

神戶天然良港也水深可停五萬噸之汽船商業運輸極爲繁盛惟以時間所限未獲勾留登陸後步行至火車站九時十九分火車開行此爲東海道線由神戶至東京全線長三百七十三哩五沿鐵道兩旁板屋參差櫛比鱗次其曠無人烟處實不多見而稻畦麥壠修竹古松一望皆是車行數分鐘即到一站停一二分復開其人口之密交通之便可謂極矣且男女熙攘各有職業洵哉國無游民野無曠土稱雄世界良有以也晚十一時三十分抵

東京驛下車值青岡縣長習齊燿請假在東京會電請濱江省公署准其加入視察團故在站迎接

遂與同人至丸之內大旅社下榻該社爲歐式樓九層設備華美供應殷勤頗有賓至如歸之感

四月十八日 星期六 曇下午小雨

東京爲日本國都位於東京灣右岸跨隅田川下游原名江戶城爲太田道灌所建德川康家重修明治二年遷都於此改稱東京今之皇城即昔之江戶城也上午九時兩團同人均御禮服至

二重橋遙望 皇居竭誠禮拜當德川時橋名西丸下重橋爲木質造後改用鐵石極其堅固壯麗因係二橋重疊而成故稱二重橋過橋即宮城臣民不得擅入仰瞻殿闕氣象森嚴咫尺天威肅然起敬日本臣民及各地來者無不至此致敬盡禮想見其尊君親上之心無時或怠遙拜畢赴

陸軍省海軍省均由次長接見情詞懇摯辭出後由金總監成事務官代表同人分赴內務省外務省司法省拜訪兩團同人則先至

明治神宮參拜宮內奉祀明治天皇及昭憲皇太后大正四年建佔地二十二萬七千餘坪檜木爲殿杉皮作瓦式極樸茂其地爲加藤清正舊邸參道之內碎石鋪地古木參天佳氣葱蘢風景肅穆凡遠來者及市內臣民必至此參拜每日不下二千人先在殿前洗手所漱口盥手以示齋戒沐浴之意溯自明治維新締造艱難創成強盛基業民到於今受其賜故人心愛戴永不能忘即當日所御之冠笏袍帶衣袴等物無不陳列其間以示崇敬下午二時參拜

靖國神社內祀永嘉以降歷次戰役殉職之陸海軍將士約二千餘人平日來此參拜者絡繹不絕

生前勳績死後馨香宜其久而彌隆也社之左設遊就館陳列歷次戰役所用武器及所得戰利品與各功臣之遺像并血衣又有國防館陳列戰地各種模型並用電力表演陸海空戰圖射擊及防空狀況蓋使民知將士之忠與軍旅之事也四時歸寓因雨未出

四月十九日 星期一 上午雨下午晴

是日爲日曜同人均自由行動上午十時偕二三友人至銀座通參觀三越、松坂、松屋、伊東、服部、各大商店銀座爲東京市內極繁華之街市大小商賈薈萃之區其建築物之偉大出產之品精良爲全市之冠夜則各商店門面皆以五色流動之電燈盤成各種奇巧之景物輝煌奪目如不夜城市上電車往來馳驟行人擁擠不堪而十字路口并無警察指揮僅於街頭各置紅黃綠三色電燈自動變幻每十數秒鐘即一易色彩行人車輛咸視此爲禁止秩序井然毫無危害人民之遵守法令不必警察之監視亦不稍越範圍其摩電車分高架地上地下三層每一輛恒附帶三四輛絡繹不絕此外大小汽車不知凡幾而每一車中皆有人滿之患交通之便人口之多概可想見下午三時回寓七時至新宿雖商店樓房之壯麗亞於銀座而園藝林立商業之繁盛亦不多讓焉九時歸寢

四月二十日 星期一 晴

上午九時兩團同人分乘乘合自動車至

滿洲國駐日大使館拜訪值謝大使介石早出游行由谷秘書官出而招待適安東省公署派遣之工商科技佐山田熙屬官安集桐輔導商工視察團亦到此拜訪莊河三鎮商會會長姜雅庭劉文魁孫述方皆在焉海外相逢洵足快慰十時至

對滿事務局因總裁陸軍大臣在部公幹由青木次長接見諄諄以兩國民族協和兩國關係密切相勉勵旋辭出至

東京警視廳由總監接見座談甚歡並招待午餐餐後參觀各部辦公室共分六部二十七課一隊五十一系及警察署八十二處消防署三十九處廳內職員總監以下一萬三千九百餘人警察官吏部長以下六萬二千三百餘人消防官吏部長以下二千一百餘人其刑事部之鑑識課對於犯罪者之基本設備與利用搜集受刑者之指紋三十四萬餘被疑者之指紋二十三萬餘不良青年之指紋七千餘又無業游民及犯罪者之像片印畫二萬餘若於犯罪之現場則用理化學檢查極爲詳密故其破案神速而確實繼至消防部參觀報警機及消防演習操練嫻熟動作敏捷一聞警報即由樓上緣鐵柱而下各取衣帽登車出發爲時僅需五六秒鐘耳三時三十分辭出警察團同人由金總監率往他處視察本團同人則至

內務省參觀檢驗電影片其審察之細密不但對於妨害風俗及反宣傳者嚴加取締即場所之設備亦研究極精雖極大之聲浪毫不使之外露而技術員尤能通曉六國語言文字令人欽佩五時

歸寓

四月二十一日 星期二 晴

上午八時東京市役所派員來寓引導兩團同人分乘乘合自動車至

市立築地病院由小島事務長接見此院創始於明治三十二年稱施療病院嗣由海軍省將京橋區築地五丁目用地借與建築於明治四十一年起工四十三年十一月落成四十四年四月五日開院大正十二年大地震全部被焚昭和三年十一月復建五年八月竣工改稱今名佔地二千四百餘坪建築費一百十五萬餘元院長係委屬海軍軍醫學校校長兼任各科醫長醫員六十餘人皆海軍醫學校職員中之學術精良者擔任事務長以下職員三十餘則以市之職員充之全年經費十八萬餘元人件費五萬餘元凡市內居民患病而無力醫藥者悉與施療預定入院患者二百三十人外來患者六百五十人然逐年增加均已超過此數自明治四十四年四月五日開院起至昭和九年三月末日止入院患者共二萬九千五百二十五人外來患者共三十七萬二千八百六十四人爲東京市最負盛名最爲人民所信仰之大醫院也九時三十分至

東京府廳橫山府知事接見府轄東京市八王市而東京市市政之事務完全與府廳脫離即警察權亦歸東京警視廳管轄府廳經費七千萬元又警察費二千三百四十九萬八千餘元復至

東京市役所此所於明治三十一年十月開廳幾經改革始將市政事務與府廳脫離市長職務亦

不由府知事兼任但仍設在府廳之內舊市域計十五區昭和七年將鄰近五郡八十二町村劃歸新市域共計三十五區一百町村面積逾五百五十萬餘畝人口五百九十餘萬遂成今日之大都市而居世界都市第二位焉所內分設財務、教育、社會、保健、水道、土木、電氣、七局及都市計畫、產業、二部秘書、文書、監查、統計、會計、五課及電氣研究所全市職員自市長以下共三萬零三百餘人每年俸給約二千二百八十餘萬元預算經費全額每年支出三億元內中教育費佔全額之四成五以上市內各種學校一千六百餘處內有市營之小學校五百五十處尋常夜學校七十三處中學校及高女商業工業職業共十八處青年學校一百八十一處總共學生約一百萬人其中中小學兒童約七十萬人全年生產額約十五億元主要者爲工業品佔十三億元農林水產品佔一億六千萬元其事務之擴張產業之發展可以想見十一時至

市立青葉卸賣場爲中央卸賣場分場之一場內分三部佔地一萬坪建築費五百萬元資本金二百四十萬元有批發三人乃江戶時代子孫相承至今者又有經紀三百三十餘人各種食品均由築地本場卸賣分發而來再由分場之批發人轉發經紀人零星販賣全年銷售十二萬噸售價約二千萬元以供市內半數人口之需用所以期價格之統制而求物質之優良也十二時至三信東洋軒蒙市役所設宴招待下午二時至

市立中央卸賣場築地本場內分肉魚菓菜二大部佔地六萬坪建築費一千五百萬元其中區別

種類極爲整齊且通風採光防臭排水等設備極爲完善昭和八年十二月落成近在港灣並有鐵道引入水陸運輸極稱便利外有神田江東兩卸賣分場上午所至者神田分場也復於市內各要地分設小賣市場十四處供給全市生鮮食品均由本場分發全年約銷一百萬噸價格一億六千五百萬元因價格之統制故交易極爲公平本場內尚有冷藏庫以化學方法用冷氣管裝置其所需之溫度則視所藏之物品而定驟入其中頓覺衣不勝寒畧一觀覽興辭而出三時至

市立深川塵芥處理工場市內居民排出之塵芥每日平均約六十五萬貫派遣人夫二千餘人自動車三十五輛手車八百輛分向各戶無料蒐集運至場內經過挑選除五金類別有利用厨屋內塵芥有能作製造酒精及紙之原料外餘均用起重機傾入三層樓上之大鍋鑪內焚燬之每日約焚十五萬貫所焚灰燼粗者用起重機運下至樓前所泊船上載往海中拋棄細者留作肥料現尙研究以科學方法利用鍋鑪之熱度以作發電之用每焚塵芥二十萬貫可發二百啓羅之電力既收街市清潔之益復謀廢物利用之效誠籌畫盡善也四時許至

清澄庭園游覽園中奇石甚多花木極盛山水環繞饒有邱壑五時二十分至

震災紀念堂爲大正十二年大震災死者三萬八千人埋骨處參拜之餘令人悽惻六時至淺草公園參拜金龍山觀世音菩薩因時近黃昏未能游覽遂經上野公園牆外取道而歸

四月二十二日 星期三 上午小雨旋晴

是早警察團同人另往他處視察本團同人分乘乘合自動車於上午九時至市立大塚市民館由小野館長接見當昭和三年七月小石川區大塚仲町間建設小石川隣保館至昭和五年將原存之十托兒所歸併於隣保館遂改稱今名嗣以方面委員制度與隣保制度有不可相離之關係乃於昭和九年十二月將方面隣保事業合併營運如是市民館與方面事務所全歸同一職掌計有分館二十一處方面事務所九十六處共同辦理全市救貧防貧一切事務各分館及各方面事務所遇有事故均在本館集合協議進行全年經費二百三十一萬五千餘元其救貧事業凡六十五歲以上之衰老十三歲以下之幼小無所依賴者傷痍殘廢疾病窮困之不能生活者以及幼兒之哺育妊婦之調護皆在救護之列救護方法分居宅救護與收容救護兩種至防貧事業則有失業登記職業紹介貸付生業資金簡易授產授職以及食糧廉價助產組合等事此外對於教化教育亦積極行之館內分設相談部、福利部、授職及實務部、情操部、保健體育部、貸付部、保育部、而授職及實務部之女傭三月學校保育部之托兒事業尤爲設想周到女傭三月學校乃訓練一般女傭每星期四午後一時至四時教以應用之文字及對於主人應守之規則與應盡之義務三個月滿期不收費成績頗佳館中收受各傭主之感謝狀甚多托兒事業專爲夫婦均有職業者清晨出外工作時將幼兒或乳兒寄托館內歸時往取每日收保育料二錢極貧者免費托兒者每日千餘人其爲市民謀福利無微不至誠市民之福星也十時至

東京憲兵隊司令部拜訪警察團同人亦於此集合十二時在丸之內會館午餐下午一時三十分警察團同人復他往本團同人仍乘原車至

多磨墓地此地在東京府北多磨郡多磨村距市中心十八日里（一日里約三滿里）電車亦可直達市役所所直營也佔地三十萬零二千餘坪大正十二年創立其中已葬者六萬三千八百餘人東鄉元帥及各勳臣之墓多在焉同人過之致敬盡禮以伸欽慕其中頗擅園林之自然美花卉滿園松杉夾道春則櫻花絢爛秋則紅葉鮮妍迥非孤塚纍纍白楊瑟瑟所可比儼由此經小金井村兩旁櫻花盛開綿連二十餘滿里此處氣候較市內稍寒故此時花猶初放殆天留此以飽遠游人眼福也車行一時許達

深山水源地有事務所在焉由福田主任接見此地屬埼玉縣爲東京市內所用自來水之發源地其水由多磨川而來距東京市三十五日里經過羽村堵截而入深山及山口兩處貯水池山口貯水池爲前七年建周圍五日里二百一十一萬坪能容水一億石深山貯水池前三年建周圍三日里面積一百一十一萬坪能容水七千萬石均高出海面一百零四米皆利用天然地勢由羽村用地下洋灰管引水入池再經濾過而入淨水池能供東京全市人口兩個月之飲料常時化驗如水質偶有不潔則投以消毒藥劑以重衛生並承福田主任派小汽船由池內渡至彼岸仍乘原車返寓入市則已萬家燈火矣

四月二十三日 星期四 晴

上午八時本團同人至上野驛乘火車出發十時四十分至

日光驛屬栃木縣境下車後改乘汽車赴

日光山沿途翠柏蒼松粗可數抱高可數尋山勢雄奇風景殊勝惟氣候較寒山腰積雪猶未化也抵山麓有道二一爲登山電車道一爲汽車道汽車道口有牌書止字車皆停留候山上之汽車下畢牌翻轉作進字始准前行山高出海面四千餘尺汽車盤旋而上計四十餘折歷四十餘分鐘至華嚴瀧下車行里許羣峯環抱寒威襲人有電梯可降至岩下觀瀑布蓋山巔有中禪寺湖每當五月六月間湖水泛溢由瀧口瀉下遂成華嚴白雲兩瀑布同人分乘電梯降至三百二十五尺之岩底仰視高山聳入雲表惟其時湖水尚淺未能溢出瀧口僅見層岩峭壁間流痕宛然未得一睹飛瀑之奇殊爲憾事旋乘梯上昇仍登車直上最高處游中禪寺寺前有湖因寺命名周圍四十餘滿里湖水最深處約六百尺山頂波光與四圍雪色相輝映同人至此如遇仙源宜夫與富士山並稱而爲日本國立之最大公園終年游人不絕也湖中有汽船供客游覽惟身入高寒皆不耐冷遂至臨湖樓食堂圍爐取暖即在樓中午餐下午一時許乘原車下山至東照宮爲祀德川家康之神社寬永時所營造已三百餘年矣殿宇輝煌構造奇巧爲極美觀之建築物參拜畢回至驛前沿途依山爲市多售雕刻玩物極雅緻人爭購之四時十分乘火車返六時

三十分仍在上野驛下車返寓晚八時至寶塚歌舞劇場觀劇十時歸寢

四月二十四日 星期五 晴

上午八時兩團同人乘火車出發九時零四分至

橫須賀驛乃天然良好之海軍軍港也此港在三浦半島之東岸屬神奈川縣境爲日本三大軍港之一（一爲餘吳一爲佐世保）着驛後承

海軍鎮守府派員率自動車來接至廳舍待茶畢至

飛行機場共有水陸飛機三百餘架均本國所造旋備汽船送至

高雄軍艦同人登艦向艦旗敬禮與艦長相見承派官佐二員引兩團同人分道參觀此艦與那智、妙高、羽黑、足柄、愛宕、摩耶、鳥海、等八艦同爲巡洋艦乃本港海軍工廠自造昭和二年四月起至五年五月進水七年五月竣工長一百九十八米載重一萬噸裝設二十攄砲十門十二攄砲四門魚形水雷發射管八門其餘機關槍大小槍探照燈并各重要機關用品無不備具士官約五十名官兵約八百名同人登高遠望惟見萬山巨浸中各艦屯集莫不姿勢雄偉想見海防之嚴重焉十二時仍乘汽船登岸并蒙在隣保會館食堂招待午餐下午一時二十分經三笠會館過三笠橋而至

三笠紀念戰艦此艦當日俄戰爭時東鄉元帥始終乘之在前線指揮先後劇戰八次黃海之戰艦

右受三十八彈日本海之戰艦左受四十二彈爆片所傷共約一百數十處現均修補完好將受彈被炸處用紅藍兩色按原印大小標誌之傷痕歷歷可數其爆片落於東鄉元帥指揮所立處不及一尺亦標誌宛然并將山本少尉及官兵等八名被炸身死處用木牌記明艙內東鄉元帥所御之服裝以及辦公物品概按當時情狀布置如舊當年戰鬪之英勇令人景仰不已今此艦用洋灰固定於海岸之側每年祭祀一次以彰殊勳復至

海軍工廠最著名之陸奧艦正在島中修飾廠內分設造船、撓鐵、製鐵、修船、鋼鐵、鍊鐵、製罐、各工場規模極其偉大工作極其敏捷材料極其豐富自成立迄今共造成大小軍艦驅逐艦潛水艦七十八隻一切材料多屬國產實足令人驚異三時仍乘自動車至驛前換火車四時二十分回至東京晚七時至銀座通各大商店購物以作紀念

四月二十五日 星期六 大風雨

今日休息各團員自由行動同人有因市內最著名之日比谷公園上野公園未往游覽預約今日前往並觀帝室博物館、科學博物館、美術圖書館、動物園、水族館、各勝跡乃昨夜子後即大雨滂沱竟日不止未便往游同人在此盤桓八日未能盡興明日即將別矣而天不做美竟靳此一日之光陰不使一飽眼福殊爲悵然

四月二十六日 星期一 晴

上午十時三十分乘火車與東京別矣暮春天氣風景宜人沿途田畝中以稻麥爲多次則茶桑蔬菓黃綠參差益覺春光明媚即山坡之上亦松竹杉檜鬱鬱蒼蒼無一牛山濯濯者車過靜岡驛遙望富士山矗立天際山頂積雪終年不化宛如琉璃寶頂又若倒置銀扇人稱東洋絕景洵非虛譽下午五時十分抵

名古屋驛屬愛知縣下車後先至

熱田神宮參拜宮內奉祀日本武尊、天照大神、素盞鳴尊、宮簀媛命、建稻種命、五座殿東奉有草薙寶劍一名天叢雲劍爲日本歷史上三種神器之一六時下榻丸仙旅館

四月二十七日 星期一 晴

上午九時兩團同人至

商工會議所此所由市內商工法團三十餘處聯合而成經費按營業稅額附徵百分之十由所自行徵收平均最高數約百分之二十五有滯納者其處分與滯納國稅同請市役所執行之凡年納營業稅額不滿三十元者免收其被徵收者皆有被選爲本所議員之資格各商工業對內對外貿易非經本所介紹不生效力故能謀商工業之發展且統制貨物之價格保持交易之信用法良意美宜夫百業振興也十時三十分至

愛知縣廳由警察部長庶務課長代表接見該縣居東京大阪之中心人口約二百八十五萬餘分

五市十八郡郡之下有二百三十一區村地勢西北平原北與東多山除山岳地帶外交通均便利生產額近年達十一億元要主者爲工產品佔九億元內中毛棉等織物佔五億元絲織品佔二億元陶器佔五千萬元紡織鐘表等機械佔八千萬元又農產品佔一億元內中米、麥、蠶絲、雞蛋、菜蔬、爲大宗又林產水產品佔一億元縣廳內分三十三科職員共二千餘人警察官吏約二千六百餘人昭和十一年支出預算二千六百萬元內有道路河川土木建設費五百五十萬元教育費四百萬元警察費三百萬元勸業費三百三十萬元其餘爲社會事業衛生港灣公債償還及其他各費十年度稅捐收入約一千一百五十萬元其他爲使用料公債及銀行借貸、政府補助、特別會計、等費市町村稅全年約收一千五百萬元教育方面有師範、農、林、蠶絲、工業、商業、高女、等學校四十餘處勸業方面有農事試驗場、種畜場、蠶業所、水產所、農產檢查所、毛織物檢查所、社會事業方面設有衛生病院施以診療不良青年施以教育社會各種施設由縣補助生產事業對於優良者先給補助金并加獎勵其最重要之施設則爲港灣因本市爲商工業之中心點故於運輸特別注意縣廳受政府補助逐年經營現在一萬噸之船舶可以進港將來一萬五千噸以上者亦可出入本市生產品以前多由大阪輸出此後可以直接由本港運送即道路橋梁亦均使之完成庶幾生產品之輸出益形增多行見此商工業之新興地愈成爲資源豐富之重要區矣十二時在縣廳內招待午餐下午一時三十分至

名古屋市役所由大岩市長接見旋至

第三師團司令部二時五十分至

名古屋城城爲巨石疊成當德川時代加藤清正轉委北國西國等各大分藩分擔經費於慶長十五年建築已歷三百二十餘年稱爲國寶城之上有天守閣高五層係加藤清正獨力修建閣上屋脊左右有雌雄金鯨各一高八尺餘金光燦然稱爲東洋之華登高俯瞰如在九霄四時許至

陶器製造所所製磁器產量多而且精以女工佔多數年產額達三百六十七萬元銷售於歐美者色樣華美品質精細約佔全額十分之八九其他銷行各地者式樣與色彩皆視各地人士之心理而定故能銷售暢旺也五時歸寓

四月二十八日 星期二 陰夜雨

上午八時三十分兩團同人分乘乘合自動車至

東洋紡績株式會社愛知工場山崎場長率全體員工在門首歡迎此會社爲大正三年六月由三重、大阪、兩大紡績會社合併組織而成現在資本七千六百餘萬元共有工場四十處男女工約六萬餘人其中女工佔八成有綿絲精紡機一百五十萬錘織機一萬八千台絹絲精紡機四萬六千錘年產綿絲五十五萬餘捆棉布四億碼絹絲二十六萬餘貫用原料棉四千餘萬貫多由美國購來成立二十餘年所得利益已超過三億元對於男女工人設有東洋實科學校、青年訓練

所、每日工作畢即施以實際技術教育三年後程度與初中畢業無異即不在廠作工亦可自立謀生近年更以單純綿織工業從事於人絹羊毛等製品將來進步更足驚人九時三十分仍乘原車辭名古屋而作長途之旅行沿途一片平原阡陌間麥穗菜花青黃掩映間以紫雲英放淺紫色花益增嫵媚農村生活景物清幽旬日來均在大都市中典麗喬煌觸目皆是至此又是一番氣象矣十一時至

碧海郡更生病院郡在愛知縣境之中部昔稱青海郡後改今名東界矢作川在五十年前土地瘠薄農民終歲勞苦而收穫無幾自明治十三年開鑿明治用水成功由郡之北部平野一帶貫通南部得此水灌溉之功用確確之地成爲膏腴之區農業極爲進步遂成爲農業之中心地世人且以日本之丹麥稱之參觀見學者多至焉郡中各種事業均設有組合頗有隣保扶助之美風復由各組合共同組織販賣購買利用聯合會此病院即該會利用事業之一對於農民之衛生與治療極受其利益每日個人住院費三角至五角藥費一角五分去年三月成立甫及一年診治患者已達六萬三千餘人該會之販賣事業以米、麥、爲大宗次則雞、雞卵、蘿蔔、紫雲英種子、(製肥料用) 菜花種子、(製菜油用)等年產米十五萬俵(每俵合日斗四升)麥七十萬袋雞卵十五萬箱(每箱四貫約二百三四十枚)蘿蔔二萬石菜子二萬石皆由各組合隨時送至該會販賣雞卵銷於東京蘿蔔銷於大阪、神戶、滿洲國、菜子銷於大阪、愛知、製造菜油購買事業

以肥料、飼料、爲大宗次則雜貨日用品肥料每年約購一百萬石由該會總數購入分發各組合轉給農民使用利用事業除病院外如精米、肥料粉末、(即紫雲英)粉摺、製粉、平麥、穀物火力之乾燥、抽水機等、均利用電氣爲之此外對於生活之設備如冠、婚、葬、祭、產婆、牛車、等均力行改善以求優美又有農業倉庫約一百坪爲保管米麥之用誠爲經濟之合理化而作共同事業之模範也十二時至

安城町愛知縣立農事試驗場由吉田技師接見當明治二十九年農商省設農事試驗場東海支場於安城三十六年廢止由愛知縣接收大正二年施行種藝事業同時并將清州分場之化學部移入逐年進步遂成爲農業之模範區在昔安城爲荒涼不毛之地名爲安城哥原哥原者土地不良之謂也自都築彌厚氏創始經營水利歷十八年未成功而病沒復有岡本吾松伊與田島八郎兩氏繼起經營耗巨萬之資財竭十餘年之心力始於明治十八年開鑿成功可灌一萬町步之田稱之爲明治用水於是人民極少之寒村一變爲四千餘戶年收二十萬石之沃壤本場佔地共一千六百二十餘坪內分種藝部、手藝部、農藝化學部、病蟲部、農具部、惟種藝部在清州分場專研究家畜改良事務餘四部均在本場內職員總共三十餘名全年經費十五萬元并設有練習生養成部培養農業人才農藝研究會發行園藝雜誌愛知縣農業之發展可稱日本全國之冠者實此場研究指導之成績也下午一時十五分至幡豆郡西尾町承町助役內藤先生遠道迎

逐引導赴

西尾尋常小學校至則校長以下率領全體男女學生二千餘人手執日滿兩國國旗排列通衢高呼滿洲國萬歲并在禮堂設宴款待情意殷摯實深銘感宴罷導往課室參觀此校全年經費四萬九千餘元其施教方針注重陶冶性情鍛鍊體質女生則教以盥濯、烹飪、縫紉、刺綉、各種家庭實務無不成績斐然町內學齡兒童已就學者約百分之九十七以上其未入校者皆有殘廢疾病或不得已之事故足見其教育之普及校內並設青年學校經費一萬五千餘元學生三百八十餘人以商業、農業、工業、爲主要科目兼授軍事訓練特導同人往觀無不英勇煥發尤堪欽佩復往幼稚園共有幼兒二百餘人經費六千一百餘元保姆教以各種遊戲、歌曲、手技、無不天真爛漫聰穎可愛下午二時二十分出校歡送如前同人共釀寄附金一百元以表謝意二時四十分偕內藤先生至

西尾町役場町內人口二萬餘以農業居多商工業次之最近三年平均農產額九十七萬四千餘元畜產額十七萬餘元工產額四百六十八萬五千餘元林產水產鑛產額共一萬一千餘元場內分庶務、稅務、學務、勸業、衛生、社會、土木、戶籍、兵事、九課職員五十餘人本年年經費支出額四十三萬餘元地方負擔納稅額計國稅六十三萬餘元縣稅八十六萬餘元町稅十二萬餘元以一町之微其物力之豐富尙且如此他可概見矣三時十分至

西尾屠場凡附近五日里以內之屠畜者均由此場檢驗屠宰每年屠牛六百餘頭豬八百餘隻場內立有畜魂碑每年舉行畜魂祭一次出場後警察團同人往他處視察折回名古屋本團同人仍乘原車由內藤先生引導前進經過上塚橋橋跨幡豆郡西尾町大字上町碧海郡旭村大字鷺塚地內矢作川上明治用水即由此川分出故矢作川與明治水實幡豆碧海兩郡恃以灌溉也橋爲昭和九年四月改建逾一年七個月而成長四百二十八米純用鐵筋混凝土及鋼鈹鋼條構造建築費二十一萬四千餘元工程異常宏固川之兩岸綠野平疇一望無際高堤防護水利天然洵良好之農村也三時三十分至

西尾蠶絲學校此校於大正八年創立佔地二萬二千八百餘坪桑園、菓園、農場、水田、菜圃、皆備建築費二十八萬一千餘元設備費六萬五千餘元全年經費四萬一千餘元學生三百餘人已卒業者七百七十餘人學科以選種、育蠶、蠶體生理、病理、種桑、製絲、織染、爲主旨其他園藝、畜產、農產、商業經營、物理化學、亦重要科目旁及菓子製油、家畜飼養、化粧品製造、等附業皆與各學科實地練習所謂勞作教育誠非虛語六時至

蒲津宿於常盤館背山面海樓閣參差門前水上長堤直達海中小島天然美景如入仙鄉而內藤先生引導終日至此又備晚餐且招歌妓侑酒良朋盛意感綬良多至夜山雨驟來海潮澎湃欹枕聽聽塵念俱消安得常住此間飽享山水清福耶

四月二十九日 星期三 上午小雨午後晴

黎明即起宿雨初歇薄霧未消遠望海中波濤起伏同人乘汽車至蒲津驛上午六時三十分乘火車出發八時至名古屋驛下車同人行李均由丸仙旅館送來警察團同人亦到站集合僅延二分鐘即換火車前進十時三十分至

山田驛下車山田扼伊勢海之要衝位於三重縣之南端曰宇治山田市市內有皇大神宮、豐受大神宮、總稱之曰伊勢神宮爲日本國人中心所崇敬每年來參拜者約三百萬人故又稱山田市曰神都時仍小雨兩團同人分乘乘合自動車至

豐受大神宮又曰外宮祀豐受大神雄略天皇二十六年由丹波國移祀於此今已一千四百五十餘年乃日本農蠶之始祖有主宰人民衣食之威權故人民懷報德之觀念崇敬異常無論生於何地一生之中至少須親至神宮展拜一次域內偏植杉樟約二千餘株老幹縱橫狀態奇古有已逾千年者復至

皇大神宮又曰內宮建於五十鈴川（又稱宇治川）之上游神路山麓祀天照大神爲日本皇室之始祖垂仁天皇二十六年由大和國移祀於此蓋一千九百三十餘年矣廟貌莊嚴國民禮敬域內千餘年之古杉老松數百株大可數抱參道之左有巨池爲宇治川所注入水清可鑑參拜者必至此漱口盥手以示齋潔之意十二時三十分至

二見浦在臨海樓午餐浦在市之東南奇峯高聳屹立海濱有空中電車可至山頂觀日出每當朝旭初升光照海面如萬道金蛇浮海而至稱爲奇觀山岩下有興玉神社海邊有巨石相對時曰婦夫岩或即二見命名之意岸旁有銅鑄大蛙作欲躍狀游人多愛而摩挲之沿岸商店售海產製品頗精巧同人爭購之游覽兩時許下午三時仍乘原車至山田驛乘火車三時五十分出發六時五十分至

奈良驛下車宿魚佐旅館

四月三十日 星期四 陰

上午八時金總監成事務官代表同人至奈良縣廳及奈良市役所拜訪奈良爲日本最舊都市有二千年以上之歷史人口六萬餘各國人士至日本觀光者無不以此爲目標蓋文化最古之區域也上午九時兩團同人分乘汽車至

春日神社參拜社建於春日山麓爲藤原氏之家廟政府亦尊崇之與伊勢神宮、八幡神社、稱爲日本三大神社中有千歲楠高三丈餘黛色霜皮極爲奇古其他老樹上多發寄生枝亦青葱可愛繼至

東大寺一千一百年以前聖武天皇勅建爲奈良寺院之最古者乃南都七大寺之一殿高十五丈六尺側面十六丈六尺正面十八丈八尺殿內共有六十柱直徑四尺餘左後一柱人可鑽入爲木

建築物之最大者中供銅質大佛坐像高五丈三尺三寸面長一丈六尺眉長五尺四寸五分目長三尺九寸鼻高一尺六寸口長三尺七寸耳長八尺五寸手長一丈零六寸大指長四尺四寸粗四尺八寸膝高七尺兩膝間三丈九尺重十二萬零四百六十四貫約四百四十四噸餘經三年餘及八次之改鑄始克竣工誠極大之佛像也寺外有天平年間所鑄銅鐘高一丈三尺六寸圓圍二丈七尺口徑九尺一寸二分緣厚八寸二分重五萬二千斤爲日本三大名鐘之一扣之聲聞甚遠十時五十分至

奧山汽車盤旋而上沿山樹木陰森山巔下視正值天陰全市皆在烟霧中渺不可辨旋至

帝室博物館館內分歷史、美術、工藝、三部陳列古銅佛像、鑪、鼎、鐘、彝、紙絹書畫、銅木彫刻、土器、甚多古色古香頗足供考古之資料十一時三十分至

奈良市公會堂午餐餐後觀苑內鹿羣由園丁吹銅號呼之遠近之鹿聞聲皆奔至昂首接食性極柔馴惟無角蓋每年十月中旬必截去也相傳鹿之原始在一千二百年前春日神社之神自常陸國騎來遂以神鹿名之生息繁衍至今尙有千餘晝行於市夜宿於苑官家保護甚力德川時代有悞殺者如殺人罪至今無敢虐待者下午一時四十分參觀

奈良商工館陳列者皆本市特產如筆、墨、蚊帳、團扇、摺扇、彫刻、塗漆、鹿角製品、之類琳琅滿目工精價廉每年收入不下四百萬元同人多選購以歸三時十分赴奈良驛乘火車

三時四十分開行經過宇治爲產茶名區沿途茶樹觸目皆是四時五十一分抵京都驛下車宿金岩樓別館

五月一日 星期五 晴

京都爲延歷十三年桓武天皇建都之地經一千餘年至明治二年東京皇宮落成始遷都東京以後歷代天皇登極及登極後第一次神祭之大嘗會仍永遠在此舉行全府人口一百七十餘萬本市人口一百零八萬爲古代文化之大都會上午八時金總監成事務官代表同人至京都府廳京都市役所拜訪九時兩團同人往游

比叡山乘汽車至出町柳驛改乘叡山電鐵之電車十五分鐘達八瀬驛下車至比叡山麓之西塔橋驛換登山電車山高出海面八百二十餘米儼如緣壁而登不敢回顧幸此種電車構造安全車內座位逐層增高如樓梯然故上下無俯仰之苦且山上有巨輪繫鐵索以一端引於車底上則徐徐而收下則徐徐而放可無危險之慮歷九分鐘至四明嶽下車俯瞰全市瞭如指掌步行至高祖谷乘空中電車蓋兩峯之間無法飛渡則以電線挂車懸空而過車可坐十二三人下視岩壑深不可測歷十分鐘至延歷寺下車古柏參差野花馥郁天風拂袂飄飄欲仙此身已在比叡山最高處矣步行至

根本中堂稍憩堂爲親鸞上人日蓮上人得道之所建於延歷七年因亂被燬寬永十九年重建堂

高三十二尺五寸廣七十八尺瓦爲銅製柱皆朱漆輝煌壯麗無與比倫繼至

大講堂爲天長元年建亦因亂燬寬永十九年重修與根本堂皆有一千五百餘年之歷史復行里許至山之東面則琵琶湖及臨岸諸山宛然在望誠可謂極目千里矣再行至叡山中堂時已正午仍乘登山電車下山至坂本途漸平坦換電車南行至

三井寺午餐下午二時復乘電車沿湖行經大津至

石山寺下車入寺參拜畢乘汽船游

琵琶湖山明水媚景物鮮妍兩岸樓臺宛然入畫船折而北行復至大津登陸換電車回京都蓋來時由山之西面向北登山至東面下山復由山南向西行環山一周而至三條石橋下車回寓已五時三十分矣晚七時通化縣電燈公司岡田經理(時請短假回籍)約通化縣劉縣長及 渙同至一休庵素食別有風味頗與滿洲國寺廟中之齋菜相似食後同至八幡公園散步十時歸寢

五月二日 星期六 曇夜半大雨

上午九時兩團同人分乘乘合自動車謁

伏見桃山陵伏見城爲永祿三年豐臣秀吉所築城之東有桃山明治天皇及昭憲皇太后御陵在焉併稱爲伏見桃山陵由甬道而上歷二百三十級至玉垣外向明治天皇御陵行最敬禮陵上圓下方佳城鬱鬱氣象森嚴明治天皇爲維新英主國民感念聖德每日參拜者極表崇敬昭憲皇太

后爲明治天皇之后葬皇陵之東下階趨謁敬禮如儀天皇與后功德巍巍創成千秋偉業宜夫馨香萬世久而彌隆拜畢至

乃木神社祀乃木希典將軍將軍於日俄戰役功勳最著及明治天皇崩將軍與夫人靜子皆殉焉朝廷嘉其忠義立社於御陵之南以祀之左側爲靜魂神社靜子夫人東廂爲紀念館仿照將軍少時所居府第之模型及其父母平時訓子之形狀與將軍足舂米手執卷之像並紡車農具住室廚房日用物品一一陳列復將日俄戰役所獲戰利品一併陳設其中西廂乃將軍在旅順柳樹村周德玉家所設第三軍司令部原有之房屋舊料全部拆移於此依式築成其屋爲正房五間最西一間爲將軍住室外爲辦公室其他爲將校宿舍門上所貼舊春聯亦宛然存在想見將軍幼年之秉承家教勤苦讀書戰時之起居艱苦勳勞卓越社前以銅鑄將軍生前所愛之馬神俊如生令人於瞻拜之餘愈深欽崇之感十時二十分至

清水寺祀十一面千眼千手觀世音之木像稱爲國寶寺外兩旁商店悉售磁器曰清水燒名產也同人多購之復至

平安神宮爲明治二十八年追念京都爲桓武天皇平安奠都之所特賜金建築奉祀桓武天皇碧瓦朱甍莊嚴華麗與滿洲國舊式宮殿相彷彿十二時至

市公會堂午餐下午一時十分至

銀閣寺原名慈照寺爲足利第六代將軍義政經營之別莊沒時遺命捨爲寺清泉奇石風景絕幽并陳列諸名家字畫及骨董甚多觀之令人忘倦二時恭詣

御所乃五百四十年前小松皇帝之皇宮中有一部分爲桓武天皇奠都平安京之舊宮殿當安政皇帝時曾擴充舊址重加修建全面積二十五萬坪南爲建禮門乃皇帝出入之處東建春門西宜秋門建禮門之北又有承明門門內中央正殿曰紫宸殿殿中設寶座右旁爲皇后御座明治二年遷都東京後歷代天皇即位仍御此殿舉行即位典禮同人望闕排列行禮畢至後殿曰春興殿內儲神器又有清涼殿爲平安朝移建內有白石一片爲天皇每晨遙拜伊勢神宮處以表篤念祖德宗功之意敬瞻各處殿宇皆極古樸不加彫琢不施丹雘迥非滿洲國舊時宮殿可比歷代帝王之崇尚儉德於此可見拜畢趨出 至

二條離宮爲三百餘年前德川氏之宿館也至明治十七年改稱離宮大正四年御大典曾設大饗宴於此三時四十分至西本願寺寺內有御影堂供奉親鸞上人木造座像正面懸見眞二字大匾額爲明治天皇御筆書有三層飛雲閣構造極美觀四時二十分回廊晚七時至新京極（繁華街名）參觀各大商店雖不及東京銀座通之宏壯然五光十色令人如入山陰道上矣十時歸寢

五月三日 星期 晴

是日同人自由行動有赴嵐山游覽者 渙因腹瀉未往聞游者云其地兩山夾峙一水中流放棹其

間清光可鑑而湖光山色四季皆宜城天然名勝也下午三時四十分赴京都驛乘火車四時零五分開行四時四十一分抵

大阪驛下車寓中之島新大阪旅社自離東京後所宿旅館皆和式惟此仍西式樓房八層構造之華麗招待之殷勤較丸之內大旅社更勝一籌大阪爲仁德天皇建都處城乃豐臣秀吉所築明治二十二年施行市制人口激增產業發達明治三十年將鄰近二十八町合併市內市政由大阪府知事兼行市行政區亦屢經增改今共分爲十五行政區二百八十町各管二十四村本市人口約三百萬爲全國工業極盛之地總計大小工場二萬八千餘家工人約十八萬餘水陸交通商賈薈萃不惟居日本三大都市之一且居世界都市第七位焉

五月四日 星期一 晴

上午九時金總監成事務官代表同人至大阪府廳及市役所拜訪下午一時二十分承市役所派員引導兩團同人分乘乘合自動車至

造幣局參觀爲日本全國造幣之所並有勳章製作場滿洲國各等勳章及各種紀念章均託其代製規模宏偉工作精奇令人贊美不置旋至

大阪古城城爲豐臣秀吉建以鉅石壘成規模與名古屋城相似城上天守閣凡八層有電梯升降各層陳列歷代名人畫像及全市各種模型并奉豐臣秀吉遺像與築城時所御雞翎織之半臂當

明萬歷朝會遣使册封豐臣秀吉爲王不受且痛斥明使此像即作當時形狀其忠於天皇大節懍然令人欽敬閣下有出土之刳木舟大小四具殆千餘年物也三時四十分至

大阪朝日新聞社由上野社長接待此社爲明治十二年一月創刊佔地一萬餘坪社內從業員二千五百餘人世界各國通信部或支局及出張所五十餘處日本國內通信部一百四十餘處通信員一千二百餘人規模宏大機械精良每日印刷新聞紙二百五十萬張國內外新聞皆用無線電及飛行機聯絡傳達備有新聞輸送飛行機十架又有通信鳩三百隻故消息極爲靈通極爲迅速新聞事業之偉大當爲東亞首屈一指別時在屋頂廣場攝影以誌紀念五時回寓七時赴心齋橋各大商店參觀九時歸寢

五月五日 星期二 晴

上午九時仍由市役所派員引導兩團同人分乘乘合自動車至大阪株式取引所市內共有取引所四家其全年交易總額股票資本約六七十億元米穀約二十億元綿絲約十億元棉花約四五億元砂糖約七八十萬元所內樓上下商賈雲集人聲喧闐誠全國商工業之中心地海外貿易之大市場也十時至

大阪控訴院此院爲大正五年重修所轄之地方裁判所區裁判所及檢事局均同在一廳之內會計事務亦一體合辦職員共二百四十餘人僱員傭員及其他人役共六百七十餘人其處理民事

實行調停制度處理刑事實行陪審制度四級三審社會信賴并承引導先後至民刑兩庭各旁聽一小時始辭出乘地下鐵道電車直達南海高島屋百貨店之地下室即在五層樓上午餐下午一時十分仍乘乘合自動車至

大阪刑務所所在市之北端野崎町昭和五年建築完成佔地十萬九千四百餘坪寬廣堅固且合衛生能容三千五百餘人所收人犯以刑期不滿十年者年齡二十以上及未滿六十者勞役留置者爲限女犯皆不收每日施以相當之教育并厲行勞動作業使之出獄後得以自謀生活其工作分官司作業、委託作業、受負作業、計有木工、鐵工、等二十餘種各就成績酌給賞與金以備釋放後生活資料一般受刑者工作成績頗佳上年收入約九十餘萬元釋放之後并有保護會直接間接確實保護且爲介紹職業使得生存於社會其保護團體共有二十二處爲密切之聯絡以期保護之澈底所謂地獄中自有天堂也受刑者誠可作譬如昨日死今日復生之想矣四時二十分回至高島屋百貨店同人各購物而歸

五月六日 星期三 上午小雨下午陰

上午八時十分乘火車出發下午二時三十分至

宮島驛下車改乘六浦丸汽船東南行約十五分鐘至對岸之

嚴島此島屬廣島縣佐伯郡登岸行不一里至

嚴島神社面臨內海左倚西松原右瀕御笠濱一千三百年前建築物也同人參拜畢仰望傑閣凌雲長橋跨水迴廊九曲古塔千尋不啻蓬萊仙境遂於社後紅葉谷旁之岩惣旅館下榻焉嚴島爲日本三景之一山水清奇風景幽邃秋深紅葉尤擅盛名晚七時廣島縣產業獎勵館館長特遠來招待即在岩惣旅館設宴情意殷拳良足感紉今夜適爲夏歷既望海上清光不同凡景惜夫陰雲四合皓魄深藏不能登彌山而玩明月殊爲悵然

五月七日 星期四 晴

早與同人散步海邊并至千疊閣五層塔紅葉谷一松堂等處游覽十一時承水上警察署以汽船來迎約二十分鐘至嚴島之背面海中有小島曰

繪島其西南端又一小島相距僅數丈海面有堤以聯貫之山上有樓臺數處島邊有噴水池鞦韆架等點綴其間同人各攜船長所備啤酒登山暢飲翛然出塵連流一小時仍登舟向廣島前進並承船長招待午餐下午一時二十分至

廣島登岸兩團同人分乘乘合自動車赴

廣島中學校運動場參觀學生兵事演習作兩軍攻守狀軍械整齊精神勇敢實深欽佩二時三十分至

廣島縣廳全縣管轄四市十六郡人口一百八十餘萬廣島一市人口三十二萬餘每年縣廳預算

編成後經縣會議通過乃得成立其宗旨務使人民負擔公平一切進行事業極形發展財政亦逐年增加當明治十二年成立縣會時全年預算三十六萬一千餘元至昭和十一年已達一千三百七十三萬五千餘元較之昭和十二年增至三十八倍有奇歲出經常費六百二十四萬餘元臨時費七百四十八萬七千餘元內中重要者計教育費三百零五萬五千餘元警察費一百八十一萬六千餘元勸業費一百六十八萬三千餘元社會事業費十五萬七千餘元收入以稅收佔重要地位征收方法根據自治權強制執行以應財政之需要其種類分國稅附加稅、獨立稅、國稅附加稅爲地租、營業所得、鑛業、沙鑛區、取引所營業、等項獨立稅爲特別地稅、家屋稅、營業雜種、等項此外尚有財產收入、使用料收入、雜收入、其超越之數除國庫補助外縣廳得發行公債稅捐爲人民應行負擔之款有時亦因人民貧困不能如額收入惟此種現象逐年良好一因經濟活動一因輸將踴躍故滯納之數殊少昭和九年人民負擔國稅額每人平均三元一角七分每戶平均十四元七角四分縣稅每人平均四元零八分每戶平均十九元零八分市町村稅每人平均五元二角二分每戶平均二十四元一角二分三項每人平均共十二元四角七分每戶平均共五十七元九角四分全縣官立縣立公立私立各種學校計文理科大學一高等師範一高等工業一高等一女子專門二師範二中學二十一高女四十九實業三十實業補習五百二十八實業教育養成所一小學校六百八十一盲學校一聾學校一其他各學校七十二幼稚

園六十學生兒童總數三十八萬八千九百餘人外有海軍將校養成所一海軍兵學校一市町村教育費全年六百八十萬餘元佔支出全額三成五以上全縣警察署三十六水上警察署二各署部長派出所三十二巡查派出所六十九巡查駐在所四百十五警察官吏一千四百四十餘人其他特殊技能者八十人警察對於犯罪者檢舉成績逐年進步故犯罪者亦逐年減少昭和九年發生犯案十萬六千餘件檢舉十一萬八千餘件十年發生犯案十萬零五千餘件檢舉十萬零八千餘件然並非一年之中犯罪者多至十萬餘人每有一人而犯數罪者故統計如此數各種罪犯中以侵佔、詐欺、竊盜、爲多非有特殊設施始能逐見減少實由警察官吏設法預防各存此種信念極端努力一遇案件發生即用科學方法從事調查是以破案迅速收效亦大去年市內被傷害死者五百餘人傷者三千二百餘人其被死傷之原因以汽車及工作肇事爲多現對於交通方面組織安全協會極力宣傳使人各知注意對於工作方面警察與工廠極力聯絡常開懇談會雙方極力宣傳并求工場設備改善以免危險全市火災每年約八九百起死傷約二百餘人金額損失約一百萬元以上現正極力設法防止組織義勇消防隊及少數常備消防員共有四百組計八萬人互相救護并常常舉行防火宣傳使一般人民澈底防範一旦發生火警消防員以極敏捷手段在最短時間消滅之故火災亦逐年減少市內衛生辦理極好但傷寒傳染一萬人中平均約有十人一方施行注射一方飲食預防又對於肺結核之傳染設有無料相談所患者隨到隨治并設

巡迴相談看護班赴各民戶宣傳分配無料消毒藥劑貧不能治者則補助治療費使得從速治痊其關心民瘼周且至矣四時二十分至

產業獎勵館致謝昨夜招待厚意本縣生產品均在館內陳列物產豐富製造精良可謂大觀對於出產輸出海外爲此館主要任物故於滿洲國之新京、奉天、大連、哈爾濱、均派有館員一人滿囑託一人聯絡貿易其他如中華歐美各國亦設法聯絡國內各縣物產交易之介紹、指導改良、規畫圖案、展覽標本、亦均由館中負責辦理滿洲建國以後輸往滿洲物產昭和十年比昭和六年輸出增加五倍輸入更較輸出激增滿洲國輸入聯合會亦派員駐此一般商民定購貨品均向駐在員或此館接洽至交貨時必擇優良物品由館員負責以全信用日滿經濟提攜誠有密切關係復承贈以伊藤久芳堂所製各種鋼針、鋼筆頭、鋼圖釘、各種徽章式樣及滿洲國各縣定製車牌門牌式樣均極精美可愛可感六時廣島縣知事早川三郎市長橫山金太郎商工會議所會頭山崎吾招飲于羽田別莊賓主極形歡洽席間並放花炮十數响五光十色奇巧絕倫最後一响由火光中爆出畫捲一軸展之則光燄奪目上書滿洲國視察團萬歲等字其隆重之意尤令人感不盡晚九時宴罷乘乘合自動車至船埠登廈門丸汽船逾二十分即啓碇行四十分鐘過宮島稍停同人行行李皆由岩惣旅館遣人送至船中矣

五月八日 星期五 晴

上午八時船抵

別府厲日名子旅館樓房三層庭院深邃樹木扶疏飲饌極精和洋俱備有浴室三處疊石爲池引溫泉注入以備旅客沐浴別府屬大分縣人口約七萬餘萬山環繞中有溫泉一千三百四十餘處爲唯一溫泉地帶其最著者十餘處多由火山爆發而成名之曰地獄因其熱湯鼎沸熱度皆在華氏表二百度上下池中沙泥細膩深不可測游人偶一失足悞墮其中不特肌膚糜爛且陷入泥底萬難援救是以皆用鐵欄圍繞以免意外故以地獄名之泉之質含有硫磺、明礬、炭酸、磷酸、各不相同可療肺病、神經病、腸胃病、皮膚病、且市內除家庭小工業外不許設立機械工場故全市無一烟突以保持清潔空氣至日本觀光之各國人士慕溫泉之勝最後必至此靜養數日每年來者約三百餘萬人誠以行役勞乏之餘得於名山勝水塵氣不到處休養精神洗濯身體以期恢復腦力良足快意是日同人皆休息入夜在旅館樓上遙望高野山頭電燈輝耀幾如天上星辰令人樂而忘寢

五月九日 星期六 晴

上午八時金總監成事務官代表同人至別府市役所及大分縣廳拜訪十時同人等分乘乘合自動車至
血池地獄、坊主地獄、海地獄、八幡地獄、十萬地獄、鶴見地獄、游覽在百步外即見熱

氣騰空如煙如霧及近觀之池之大佔地數坪或一二十坪不等無不如沸水翻騰聲振耳鼓其色則碧黃灰不一致惟海地獄面積極大約七十餘坪水則澄清可鑑入幡地獄有怪物館陳列河童、烏夜、美人魚、又有骨骼一具長大倍於人名之曰鬼骨泉之側多有小商支爐置鍋取溫泉煮雞蛋約二分鐘即熟每枚售二錢謂可治腹痛又以水底細泥製成藥膏或飲或貼或沖水入浴可療諸病更有一種名湯之花者爲溫泉蒸氣凝結成霜內含各種礦質亦可溶入浴湯治皮膚病各溫泉商店售湯之花及血池地獄中水染赭色手巾浴衣者比比皆是同人多購以歸

五月十日 星期日 晴

上午十時兩團同人游

高野山山在市內距離處不過二滿里故步行以往至山麓

雲泉寺昂首而望登山鐵軌高而且陡矗立如塔聳入雲霄同人乘登山電車而上歷五分鐘至乙原下車經人生行路、乃本事跡館、乙原地獄(又名觀音地獄因泉側岩間立有觀音銅像也)圓通閣、等勝跡而至

展望溫泉臺此山高出海面六百尺臺建山巔高五十尺登臺遠望身在半天而山環如屏海濼若帶國東半島及四國佐田岬均隱約在望俯瞰近郊各大地獄則熱氣凌空儼如蒼煙數點誠奇觀也昨游地獄名區今覽天堂勝景實令人驚奇不已時已近午即在台下中層食堂午餐下層有溫

泉浴池兩處男女游客多浴其中下午一時二十分循來徑仍乘原車下山換汽車同人中約二十餘人偕至

龜川海岸天然砂湯浴場設海邊砂灘上砂內熱汽蓬勃上支布幔以蔽日光侍者將砂爬成深四五寸能容一人淺坑排列十餘處同人各衣浴衣就坑仰臥侍者取砂覆全身僅留頭足在外不數分鐘砂中溫泉湧出周身爽適如飲醍醐精神爲之一振歷十餘分鐘起而入室浴於溫泉三時回寓兩團同人以歸國在邇沿途多蒙代表及輔導諸君照拂周至特設筵以伸謝意并召麗姝清歌妙舞觥籌交錯賓主盡歡直至九時沉醉而罷

五月十一日 星期一 晴

上午十時兩團同人在旅館門首攝影以留紀念十一時二十分赴別府驛十一時四十五分火車開行經過大分縣下午六時三十四分至

博多驛下車廣松島旅館博多屬福岡縣位於九州之北市內有河流曰那珂川東爲博多灣西爲福岡市乃日本三大縣之一控玄海之門戶與滿洲極接近海陸交通商賈輻輳全國最優越之貿易場也明治二十二年定爲特別輸出入港嗣以港灣漸爲砂土淤積乃設築港株式會社計畫工事明治三十三年起工四十一年完成其後又建淤塞水勢減少大正元年杉山茂丸氏計畫變更株式會社組織於大正四年着手興工因歐戰勃發影響財政遂爾中止近以出入貨物逐年增多

滿鮮海運益加密切大型船舶實爲運輸所必要福岡市役所樹立博多港修築計畫昭和三年經臨時港灣調查會確定由國庫及縣費補助內務省直轄工事預算工費三百七十六萬餘元分六個年竣工今年第一期工作完成特開築港紀念大博覽會由福岡市主催自二月二十五日起至五月十三日止同人至此恰值會期將了躬逢盛舉欣喜莫名預備明日前往參觀以擴眼界

五月十二日 星期二 上午陰下午雨

上午九時兩團同人分乘汽車至

博多灣參觀建築工程極爲偉大後此運輸當更發展旋至

西公園俯瞰博多灣峯巒起伏雲海蒼茫真一幅畫圖也園內櫻花數百株雖已謝盡而杜鵑初放五色紛披頗足爲斯園生色園內

光雲神社祀舊藩祖黑田如水黑田長政并有日清日俄兩次戰役紀念碑及吉岡大佐平野國臣兩銅像瞻拜之餘肅然起敬繼至市外箱崎町

箱崎八幡宮爲天平寶字三年建祀應神天皇大門懸有延喜二十一年醍醐天皇御書敵國降伏四字大匾額社前有松一株標曰宮松相傳應神天皇降生時胞衣埋於此處十一時回市內至

東公園參拜龜山上皇及日蓮上人銅像東公園、西公園、大濠公園、稱福岡三大公園青松高聳白石平鋪風景清幽別有天地當文永年間元兵屢襲博多人民深以爲患龜山上皇禱于伊

勢太廟願以身代國難一夜颶風大作元師鑑隊全軍覆沒民得以安明治三十七年建立銅像以彰奇功日蓮上人爲得道高僧信徒極衆預言元兵來襲當時未之信既而元兵大至勢頗危急上人以法破敵保全甚多朝廷嘉其功宗派由此益盛及龜山上皇立像之議起其信徒亦首倡爲上人立銅像明治三十七年告成像身高三丈五尺重約二萬貫座高八尺建於高約丈餘之石臺上座之四周繪圖刻石紀破敵保民事石臺之上日本男女十餘人或坐或跪或繞像環行皆合掌誦經以祈福庇臺之前有元寇紀念館將所得元兵戰利品及諸勇士遺物古器陳列其中以誌戰績十一時三十分至

日本足袋株式會社福岡工場此社創於明治二十五年初爲足袋製造業嗣組織小規模工場歷年增加資本逐漸擴充至昭和十年資本增至一千萬元共設福岡、久留米、橫濱、青島、工場四處男女職工一萬三千餘人年產地下足袋四千萬雙皮鞋皮靴膠皮鞋靴四千五百萬雙銷售於日本全國中國及南洋羣島而滿洲國每年可銷二千五百萬雙即最著名之太陽牌膠皮鞋靴也石橋社長極表歡迎引導至各製造場參觀攝影以作紀念並備午餐殷勤招待餐後至福岡縣廳拜訪并由金總監成事務官代表同人至福岡市役所拜訪下午一時三十分至博多築港紀念大博覽會會場承兼任會長久市庸夫市長之招待先在演藝館觀劇一小時遂次第至場內之本館、及國防館、參考館、軍需工業館、經濟更生館、觀光館、鄉土史館、

美術館、滿洲館、久留米館、唐津館、福岡館、台灣館、朝鮮館、各處游覽一周光怪陸離無美不備其物產之豐饒技能之精進尤足令人稱奇讚美可謂名副其實同人爭購物品價格極廉惜游興未闌風雨驟至只得乘車返寓則已四時四十分矣六時應久市市長之招至一方亭宴會極爲歡洽又承以領帶分贈同人深爲感謝晚九時歸寓

五月十三日 星期三 陰下午晴

上午九時至博多驛乘火車九時十七分開行十時三十分至

枝光驛下車承

八幡製鐵所派員及乘合自動車來接至所內事務室待茶八幡市屬福岡縣製鐵所全部面積除佔八幡全市外尚有枝光及西八幡之一部市內居民在所內工作者佔全數之大半爲日本第一勞働都市亦爲規模最大之工廠由所長導觀內部及各種出品並詳爲說明畢後攝影且備午餐款待餐罷乘所內火車至各製造工廠參觀此所於明治四十四年開始製造以來中間未嘗停斷資本三億四千萬內分總務、檢定、技術、銑鐵、製鋼、鋼鈹、化工、工務、運輸、窯業、骸炭、成品、研究、醫務、等部大小工廠一百三十餘處職員工匠及其他人役共四萬五千餘人廠內鐵道縱橫互相聯貫運用極便海岸有取煤機及取鑛機每機均連有空中電車專運海岸汽船運來原料并運送無用渣滓灰屑傾於空曠窪地及海中製出之鐵佔全國之九成鋼

製品佔五成每年鑄鐵二百一十萬噸鍊鋼五百萬噸前年擴充現已完備每年約可增鑄鐵量三十五萬噸鍊鋼量二十萬噸製成品運出口者每年約六百五十萬噸其製造之鐵軌專供滿洲國鐵道之用全年用煤約四百萬噸內有滿洲所產二十五萬噸鐵則中國大冶所產者爲多紐約之舊鐵亦收集鑄化對於工人待遇極厚官舍、病院、娛樂室、懇談會、設備周全有教習所教養工人之學識技能有共濟組合通融工人之經濟一切設施完善已極參觀各工廠畢至海岸乘廠內汽船渡至事務室稍憩時已四時矣同人致謝而出復蒙派原車送至

八幡驛乘火車四時三十三分開行五時零五分抵門司驛下車即登聯絡汽船稍停開往下關約十五分鐘至

下關因僅數小時即乘輪歸國故暫在滿鮮案內所休息同人皆自由行動下關當三韓入貢時在此設臨海館明治維新後設赤間關支所屬山口縣明治二十二年改稱赤間關三十五年始改稱下關逐漸擴充遂成爲國外貿易水陸重鎮人口共十五萬餘工廠九十餘處其名勝有春帆樓接引寺樓爲明治二十八年日清媾和日全權伊藤博文與清使相李鴻章簽訂下關條約處寺則李使相駐節地也惜時近黃昏不及游覽晚九時登昌慶丸輪船同人行李承輔導員林金兩君由博多驛直接押運送至船上九時十分啓碇橫渡玄海同人咸謂船小浪大必然顛播不堪更以爲去時邀天之倖未遇風波此次恐不免暈船故開船即寢不片時入睡鄉遂不知風浪如何矣

五月十四日 星期四 上午微雨旋霽

睡醒覺船身微播幸不久即平遂登甲板眺望曙色蒼茫波濤洶湧遠山隱約島嶼森羅不移時即抵釜山矣上午七時登岸至

釜山驛釜山爲朝鮮第一開港場關釜航線與京釜鐵道相聯絡因時間甚促同人均在驛內食堂早餐八時二十分登車四十五分開行沿途水田相接野樹方芽氣候不及日本之暖而農村之荒涼氣像較日本大相逕廷夜七時二十五分過京城昔爲朝鮮之國都合併後日本設總督府於此乃統治朝鮮之最高機關於夜色杳冥中遙見城市電燈閃爍樓閣參差亦繁盛都會也且白岳漢水秘苑神宮風景之佳心藏已久惜非視察旅程所定之地未獲下車一游殊深悵惘及夜半過平壤則已入睡鄉矣

五月十五日 星期五 晴

上午七時十二分抵新義州稍停過鴨綠江鐵橋即入滿洲國境七時二十分抵安東驛仍將時計撥回一小時則六時二十分也安東縣宮縣長文超在站歡迎良朋久別晤談甚歡六時五十分開行下午一時三十分抵奉天驛下車即在站小憩候至三時三十分換車開行晚七時四十五分抵新京驛蒙民政部黃地方司長率科長科員在站歡迎同人各致謝意視察任務於此終了遂分袂而散換至福順棧下榻

五月十六日 星期六 晴

上午九時兩團同人齊集民政部隨同金總監成事務官晉謁呂大臣報告視察經過大概情形蒙呂大臣慰勞有加勸勉倍至退出後謁總務司清水司長因公出未晤謁地方司黃司長亦承殷殷垂問復由金總監成事務官代表同人至關東軍司令部表示謝意並至國務院外交部報告任務終了十二時蒙民政部假鹿鳴春開慰勞宴黃司長代表出席致慰勞詞各同人亦皆以歸縣後應將視察所得見諸實行以期政治促進並宜精神團結在遠不忘互相勸勉飲至二時許全體舉杯高呼日滿兩帝國萬歲盡歡而散

以上日記由四月十三日自新京啓程起至五月十六日任務終了解散止所見所聞逐日詳記其中未經主管者之說明及缺乏資料者不敢妄加臆斷概從畧焉惟舖敘事實深愧不文未免貽笑方家耳

康德三年六月上浣

安東省莊河縣長劉鳴渙謹識



